

Profflor Caroli

Ado.

in honorem doli


in honorem doli

Caroli

E. Anders.

Linisch





ORDO  
SS. MISSAE  
SACRIFICII

CUI ADJUNCTUM EST

DIURNALE

PII SACERDOTIS.

*S. Eremit. Montis Argentinii.*

---

---

WRATISLAVIAE,

e typographia academica 1795.

---

ORDO MISSAE,  
ET  
EJUSDEM RUBRICAE  
JUXTA SE POSITAE.

---

P A R S P R I M A.

*A Principio Missæ usque ad Offerto-  
rium.*

1. **I**n nomine Patris, & Filii, & Spiritus  
Sancti, Amen.

2. Introibo ad Altare Dei. R. \* *meam.*

Judica me DEUS, & discerne causam  
meam, de gente non sancta; ab homine ini-  
quo, & doloſo erue me. R. \* *inimicus.*

Emitte



1. Simul format signum Crucis a fronte ad pectus: posita sinistra infra pectus (supra cingulum, & extra terminos Crucis juxta Gavant.) quod semper fit, quoties se signat: quando vero aliud signat, ponit eandem super Corporale, nisi aliud noceatur.

2. Junctis manibus ante pectus, clara voce totum Psalmum recitat alternatim cum Ministro.

• Neque deinceps attendit, quid alibi agatur, etsi Sacramentum eleveur.

A 2

3. Caput

Emitte lucem tuam, & veritatem tuam; ipsa me deduxerunt, & adduxerunt in montem sanctum tuum, & in tabernacula tua.  
R. \* *meam.*

Confitebor tibi in cithara Deus, Deus meus; quare tristis es anima mea, & quare conturbas me? R. \* *Deus meus.*

3. Gloria Patri, & Filio, & Spiritui Sancto. R. \* *Amen.*

Introibo ad Altare Dei. R. \* *meam.*

4. V. Adjutorium nostrum in nomine Domini. R. \* *terram.*

5. Confiteor Deo Omnipotenti, Beatæ Mariæ semper Virgini, Beato Michaeli Archangelo, Beato Joanni Baptistæ, sanctis Apostolis Petro & Paulo, omnibus Sanctis & vobis fratres: quia peccavi nimis cogitatione, verbo, & opere: 6. mea culpa, mea culpa, mea maxima culpa. Ideo precor Beatam Mariam semper Virginem, Beatum Michaelem Archangelum, Beatum Joannem Baptistam, Sanctos Apostolos Petrum & Paulum, omnes Sanctos, & vos fratres, orate pro me ad Dominum Deum nostrum. Min. *Misereatur,*  
&c. Sac. Am.

7. Min. *Confiteor.*

8. Misereatur vestri omnipotens Deus, & dimissis peccatis vestris, perducatur vos ad vitam æternam. R. *Amen.*

9 In-



3. Caput Crucis inclinat. Psalmus Judica non dicitur in Missis defunctorum, nec non Missis de tempore a Dominica Passionis, usque ad Sabbatum sanctum, exclusive.

4. Dextra facit crucem a fronte ad pectus.

5. Altari profunde se inclinans, junctis manibus dicit Confiteor, quod prosequitur eodem modo stans inclinatus, donec a Ministro dictum sit, Misereatur &c.

6. Ter percutit pectus, sinistra infra pectus posita.

7. Cum Minister incipit Confiteor, se erigit Sacerdos.

8. Stans erectus junctis manibus dicit.

Δ 3

9. Si

9. Indulgentiam, absolutionem, & remissionem peccatorum nostrorum, tribuat nobis Omnipotens, & misericors Dominus.  
R. *Amen*

10. Deus tu conuersus vivificabis nos.  
R. \* *in te.*

Ostende nobis Domine misericordiam tuam. R. \* *da nobis*

Domine exaudi orationem meam. R. \* *ad te veniat.*

II Dominus vobiscum.  
R. \* *Spiritu tuo.* II. Oremus.

12. Aufer a nobis, quæsumus Domine iniquitates nostras: ut ad Sancta Sanctorum, puris mereamur mentibus introire. Per Christum Dominum nostrum. Amen.

13. Oramus. te Domine per merita Sanctorum tuorum,

14. quorum reliquæ hic sunt, & omnium Sanctorum: ut indulgere digneris omnia peccata mea. Amen.

#### INTROITUS.

15. Salve Sancta Parens, &c.

9. Signat se a fronte ad pectus.

10. Stans inclinatus junctis manibus, recitat clara voce usque ad orationem: Aufer a nobis &c.

11. Extendit & jungit manus, ac clara voce dicit:

12. Dum dicit secreto Aufer, &c. junctis manibus ascendit ad medium.

13. Inclinatus manibus junctis super altare, ita ut parvi digiti solum antependii superiorem partem tangant, pollice dextro super sinistrum posito (quæ omnia observantur semper, quoties manus junctæ super altare ponuntur) dicit: Oramus.

14. Osculatur Altare in medio, (non ad latus) manibus extensis, æqualiter hinc inde super eo positis.

15. Stans in cornu Epistolæ versus altare, incipit introitum intelligibili voce: simul signat se a fronte &c. & junctis manibus prosequitur.



16. Gloria Patri, & Filio, &c.

17. Salve Sancta Parens, &c.

18. Kyrie eleison.

19. Gloria in excelsis,

20. DEO.

21. Et in terra pax hominibus bonæ voluntatis. Laudamus te, benedicimus te.

22. Adoramus te.

Glorificamus te, 22. Gratias agimus tibi propter magnam gloriam tuam: Domine DEUS, Rex cœlestis, DEUS Pater omnipotens. Domine Fili unigenite, 22. JESU Christe. Domine DEUS, Agnus DEI. Filius Patris. Qui tollis peccata mundi, miserere nobis; qui tollis peccata mundi, suscipe 22. deprecationem nostram. Qui sedes ad dexteram Patris, miserere nobis. Quoniam tu solus Sanctus. Tu solus Dominus. Tu solus

*In Missis Defunctorum non signat se, sed Crucem in aëre format super librum, quasi aliquid benedicens.*

16. Tenens junctas manus caput inclinat versus Crucem.

17. Hic non se signat, ut prius, quo finito, junctis manibus accedit ad medium Altaris.

18. In medio consistens, manibus junctis, facta prius convenienti reverentia, intelligibili voce Sacerdos dicit: Kyrie eleison, Christe eleison, id est: bis Kyrie eleison, alternatim.

19. Intelligibili voce dicit, extendens elevansque manus usque ad humeros. Oculi non levantur.

20. Cum DEO dicit, jungit manus, & caput Cruci inclinat.

21. Erecto capite, manibus junctis ante pectus usque ad finem prosequitur.

21. Cum hæc dicit, caput Cruci inclinat.

22. Iterum.

22. Iterum.

22. Rursus.

solus altissimus. 22. JESU Christe. 23. Cum  
Sancto † Spiritu, in gloria DEI Patris, Am.

24. Dominus vobiscum.

25. Oremus.

26. Concede nos famulos tuos, &c.  
26. B. Mariæ semper. &c.

27. Per Dominum nostrum.

28. JESUM.

*Epistola*



22. *Iterum.*

23. *A fronte se signat ad pectus, interim absolvit in gloria DEI Patris, Amen.*

*Deinde osculatur altare; cum manibus junctis ante pectus. demissis oculis vertens se a sinistro latere ad dextrum versus populum &c.*

24. *Extendens, ac jungens manus ante pectus voce intelligibili dicit: Dominus &c. deinde junctis manibus per eandem viam revertitur ad librum,*

25. *Extendens ac jungens manus ante pectus, caput Cruci inclinans dicit: Oremus.*

26. *Tum extendit manus ante pectus, ita ut palma unius manus respiciat alteram, & digitis simul junctos, quorum summitas humerorum altitudinem, distantiamque non excedat (quod in omni extensione manuum ante pectus servatur) & recitat Orationem*

27. *Cum dicit: Per Dominum. jungit manus, & tenet junctas usque ad finem; quod si non dicatur per Dominum, sed: qui vivis, & regnas, tunc jungit, cum dicit in unitate.*

28. *Cum nomen JESU dicitur, inclinat caput versus Crucem, quod etiam fit, cum id legit in Epistola. Sed ubicunque nominatur nomen MARIE, vel SS de quibus dicitur Missa, vel fit Commemoratio specialis, ut de festo simplici, &c inclinat caput versus librum, etiam in Canone, si ibidem eorum Sanctorum no-*

*Epistola.*

29. Lectio libri Sapientiæ. Ab initio &c.  
derentio mea.

Minister. R. DEO gratias. Benedicta  
& venerabilis, &c.

30. Munda cor meum, ac labia mea,  
Omnipotens Deus, qui labia Isaïæ Prophetæ  
calculo mundasti ignito, ita me tua grata mi-  
seratione dignare mundare, ut sanctum Evan-  
gelium tuum digne valeam nuntiare. Per  
Christum Dominum nostrum, Amen.

Jube Domine benedicere.

Dominus sit in corde meo & labiis meis,  
ut digne & competenter annuntiem Euange-  
lium suum:

31. Amen.

32 Domi-

mina recurrant. Ad nomina autem Sanctorum, (excepta B. Virgine) in oratione: A cunctis, caput non est inclinandum. Gavant. p. 2: tit. 5. lit. c. Item cum sit Oratio pro Papa, ad nomen ejus semper inclinat caput, non tamen versus Crucem, sed librum, nisi per accidens, in Canone, cum ex memoria dicit.

29 Cum dicit intelligibili voce Epistolam & Graduale, potest ponere manus ad arbitrium vel super librum, ut palmae librum tangant, vel librum teneant. Diligenter autem caveat, ne alterutram manum solam tantum, si cum altera sit occupatus, suspensam in aëre teneat Gerlac. p. 2. tit. 4. §: 4. Quod & deinceps observatur.

30. Lecto Graduali, redit junctis manibus ad medium, ibi stans junctis manibus ante pectus, elevatisque ad Deum oculis, & statim demissis dicit secreto: Munda &c. Jube Domine &c. manus non ponit super altare, & dicit profunde inclinatus. In Missis Defunctorum omittitur Jube Domine: non autem Munda.

31. His omnibus absolutis, vadit ad cornu Evangelii stans.



32. Dominus vobiscum.

33. Sequentia Sancti Evangelii secundum Lucam.

34. In illo tempore: extollens vocem quædam mulier, &c.

35. Per Evangelica dicta deleantur nostra delicta.

36. Credo in unum Deum.

37. Patrem Omnipotentem, factorem cœli & terræ, visibilium omnium, & invisibilium. Et in unum Dominum

38. JESUM Christum, Filium DEI unigenitum, & ex Patre. natum ante omnia sæcula, Deum de Deo, lumen de lumine, Deum verum de Deo vero. Genitum non factum, consubstantialem Patri, per quem omnia facta sunt. Qui propter nos homines, & propter nostram salutem descendit de cœlis.

39.

32 Versus librum junctis manibus dicit  
intelligibili voce, Dominus.

33. Deinde pollice dextræ manus signat  
Cruce initium Evangelii, postea se in fronte,  
ore, & pectore, dicens: Sequetur vel initium  
&c.

34 Junctis manibus iterum ante pectus  
stans prosequitur Evangelium usque ad finem,  
in quo si occurrit nomen *Ihū*, caput semper  
inclinat versus librum, & ita genua flectit ver-  
sus librum, si necesse sit; ut vero, si proster Ve-  
nerabile, parum virtus illud.

35 Post dictum Evangelium elevat va-  
rum librum, & osculatur principium Evange-  
lii dicens secrete: Ver Evangelica &c. excepta  
Missa defunctorum, & præsentis Episcopo in  
sua residentia.

36. Stans in medio elevat & extendit ma-  
nus, & inclinat caput Cruci

37. Prosequitur junctis manibus, erecto  
capite.

39. Et incarnatus est de Spiritu Sancto ex Maria Virgine: Et homo factus est. Crucifixus etiam pro nobis: sub Pontio Pilato passus, & sepultus est. Et resurrexit tertia die secundum Scripturas, & ascendit in Cælum: sedet ad dexteram Patris. Et iterum venturus est cum Gloria, iudicare vivos, & mortuos: cujus regni non erit finis. Et in Spiritum Sanctum Dominum & vivificantem: qui ex Patre Filioque procedit. Qui cum Patre & Filio

40. simul ADORATUR, & conglorificatur: qui locutus est per Prophetas. Et unam, Sanctam, Catholicam, & Apostolicam Ecclesiam. Confiteor unum, Baptisma in remissionem peccatorum. Et exspecto resurrectionem mortuorum, & vitam 41. venturi sæculi. Amen.

## P A R S II.

*Ab Offertorio usque ad Orationem Dominicam.*

42. Dominus vobiscum.



39. Genu flectit usque ad Homo factus est inclusive, poplite usque ad terram demisso, quod in omni genuflexione ubique, & semper observandum est.

40. Inclinat caput Crucì.

41. Signat se Cruce a fronte ad pectus. Quando omitti debeat symbolum, alibi dictum est.

42. Post Credo, (vel Euangelium, si non sit Credo) osculatur in medio altare: & junctis manibus ante pectus vertit se ad populum, & extendit junctas manus, dicens: Dominus vobiscum. 43.

43 Oremus.

44 Ave MARIA &c.

45. Suscipe Sancte Pater, Omnipotens, æterne DEUS, hanc immaculatam hostiam, quam ego indignus famulus tuus offero tibi DEO meo, vivo, & vero, pro innumerabilibus peccatis, & offensionibus, & negligentis meis, & pro omnibus circumstantibus. 46. Sed & pro omnibus fidelibus Christianis vivis atque defunctis, ut mihi & illis proficiat ad salutem in vitam æternam. Amen.

47. DEUS, qui humanæ substantiæ dignitatem mirabiliter condidisti, & mirabilius re-forma-

43 Junctis manibus, revertitur per eandem viam, ad medium Altaris, ubi extendens & jungens manus, caputque Cruci inclinans dicit: Oremus.

44 Junctis manibus eodem sinu dicit Offertorium.

45. Oculis ad Deum elevatis, ac statim demissis dicitur: Suscipe &c si plures Hostiæ sint consecrandæ, intentionem faciat, etiam ad illas offerendas, & consecrandas.

46. Quo dicto patenam utraque manu tenens cum ea facit Crucem super corporale, & apponit Hostiam circa medium anterioris partis corporalis; patenam vero ad dextram aliquantulum subtus corporale deinde facta competente reverentia, (quæ si Cruci fiat, decet, ut in hoc, & simili casu manibus junctis fiat, nisi hæ aliter occupentur) accedens ad cornu Epistolæ accipit Calicem, purificatorio exiergit & sinistra tenens illius nodum (& simul pollice ejusdem manus Purificatorium, ita accommodatum, ut deflua ejus pars, pedem Calicis, contra easuras forte ex ampullis guttas, ut ne aspergatur, communiat) accipit ampullam de manu Ministri, & infundit vinum in Calicem.

47. Deinde eodem modo tenens Calicem producit signum Crucis super ampullam aquæ,

formasti: da nobis per hujus aquæ, & vini  
mysterium ejus Divinitatis esse consortes, qui  
humanitatis nostræ fieri dignatus est particeps  
Jesús Christus, Filius tuus, Dominus noster.  
Qui tecum vivit, & regnat in unitate Spiritus  
Sancti DEUS: per omnia, &c.

48. Offerimus tibi, Domine, Calicem  
salutaris, tuam deprecantes clementiam: ut  
in conspectu Divinæ Majestatis tuæ pro no-  
stra, & totius mundi salute, cum odore sua-  
vitatis ascendat. Amen.

49. In spiritu humilitatis, & in animo  
contrito suscipiamur a te, Domine: & sic fiat  
Sacrificium nostrum in conspectu tuo hodie,  
ut placeat tibi Domine DEUS.

50. Veni sanctificator, omnipotens æ-  
terne DEUS, & benedic hoc Sacrificium tuo  
Sancto nomini præparatum.



& dicit: DEUS, qui humanæ &c. Et ad verba: da nobis per hujus aquæ &c. parum aquæ infundit, Et guttas in Calice, si opus sit, extergit, ac Calicem in cornu Epistolæ versus medium Altaris sistit, Et Purificatorium, quo interim usus est, componit, ut patenam tegat. In Missa defunctorum omittit benedictionem aquæ Et tantum recitat orationem

48. Imposita aqua in Calice. Et finita oratione prædicta reversus ad medium Altaris, facta reverentia ut prius. juxta doctrinam hic p. 2: tit 5: n: 4: traditam, accipit Calicem, Et dextra nodum illius infra cuppam, sinistra pedem tenens, elevat, Et intentis ad DEUM oculis dicit: Offerimus, Et in fine dicta hac oratione facit Crucem cum Calice, Et in medio corporali post Hostiam collocat, ac palla cooperit

49. Deinde junctis manibus, super Altare positus aliquantulum inclinatus secreto dicit: In spiritu.

50. Erectus expandit manus, easque in altum porrectas jungens ante pectus (semper jungit manus ante pectus, quando aliquid est benedicturus) elevatis ad cælum oculis, Et statim demissis, dicit: Veni Sanctificator &c. Et cum dicit Benedic, facit manu dextra signum Crucis, communiter super Hostiam, Et Calicem, sinistra posita super Altare.

51. Lavabo inter innocentes manus meas: & circumdabo Altare tuum, Domine.

Ut audiam vocem laudis: & enarrem universa mirabilia tua.

Domine dilexi decorem domus tuæ: & locum habitationis gloriæ tuæ.

Ne perdas cum impiis animam meam: & cum viris sanguinum vitam meam.

In quorum manibus iniquitates sunt: dextra eorum repleta est muneribus.

Ego autem in innocentia mea ingressus sum: redime me, & miserere mei.

Pes meus stetit in directo: in Ecclesiis benedicam te, Domine.

Gloria Patri, & Filio, & Spiritui Sancto:  
52. Sicut erat in principio, & nunc &c.

53. Suscipe Sancta TRINITAS hanc oblationem, quam tibi offerimus ob memoriam Passionis, Resurrectionis, & Ascensionis JESU Christi Domini nostri: & in honorem Beatæ Mariæ semper Virginis, & Beati Joannis Baptistæ, & Sanctorum Apostolorum Petri, & Pauli, & istorum, & omnium Sanctorum: ut illis proficiat ad honorem, nobis autem ad salutem; & illi pro nobis intercedere

51 Tum junctis manibus ante pectus, & facta prius convenienti reverentia, accedit ad cornu Epistolæ, ubi stans levat extremitates pollicis & indicis utriusque manus.

52 Ad Gloria Patri (quod omittitur in Missis Defunctorum, & in Missis de tempore a Dominica Passionis, usque ad Sabbatum sanctum exclusive) inclinat caput Cruci, & dici etiam potest, cum reditur ad medium Altaris

53 Lotis & extersis manibus, easdem ante pectus junctas tenens revertitur ad medium Altaris, ubi facta competente reverentia, stans, oculosque ad DEUM elevans, ac statim dimittens, manibus junctis super Altare aliquantulum inclinatus dicit secreto: Suscipe &c.

dere dignentur in cœlis, quorum memoriam  
agimus in terris. Per Christum Dominum,  
&c.

54. Orate Fratres : ut meum, ac vestrum  
Sacrificium, acceptabile fiat apud DEUM Pat-  
rem Omnipotentem.

Minister. *Suscipiat &c.*

Sacerdos. Amen.

55. Tua Domine propitiatione, &c.

56. per Dominum nostrum JESUM  
Christum Filium tuum, qui tecum vivit, &  
regnat in unitate Spiritus Sancti DEUS

57. Per omnia sæcula sæculorum.

58. Dominus vobiscum.



54. Finita oratione prædicta, manibus hinc inde extensis, & super Altare positis, osculatur illud in medio: tum junctis manibus antepectus, demissisque oculis ad terram, a sinistra ad dextram vertit se ad Populum, & versus eum extendens & jungens manus, dicit voce aliquantulum elata: Orate fratres: & secreto absolvens perficit circulum, (nisi proster Venerabile) & revertens junctis manibus antepectus a manu dextra ad medium Altaris: ubi Minister suam orationem absolverit, R. Amen.

55. Dicit ex libro orationes secretas, manibus extensis, submissa voce, sine Oremus, aut alia interpositione.

56. Cum dicit: Per Dominum, jungit manus: cum dicit Jesum Christum, caput inclinat, quod fit in prima, & si sint plures, in ultima etiam oratione.

57. Ubi in ultima oratione Secreta pervenerit ad verba: per omnia sæcula exclusive, depositis super Altare manibus hinc inde extensis dicit convenienti & intelligibili voce: per omnia sæcula &c.

58. Deinde subjungit, eodem modo tenens manus: Dominus vobiscum.

59. Sursum corda.

60. Gratias agamus Domino

61. DEO nostro.

62. Vere dignum & justum est &c.

63. Sanctus, Sanctus, Sanctus Dominus  
Deus Sabaoth. Pleni sunt cœli & terra glo-  
ria tua, Osanna in excelsis.

64. Benedictus, qui venit in nomine  
Domini, Osanna in excelsis.

65. Te igitur Clementissime Pater, per  
JESUM Christum Filium tuum, Dominum  
nostrum, supplices rogamus,

66. Ac petimus,

67. Uti accepta habeas, & benedicas

68. Hæc † dona, hæc † munera, hæc †  
Sancta Sacrificia illibata.

69. In primis, quæ tibi offerimus pro  
Ecclesia tua Sancta Catholica, quam pacifica-  
re, custodire, adunare, & regere digneris  
toto orbe terrarum.

59. Cum dicit: Sursum corda, elevat manus hinc inde extensus, usque ad pectus ita, ut palma unius respiciat palmam alterius manus.

60. Ad Gralias agamus &c. jungit manus.

61. Ad DEO nostro, etiam oculos elevat? & statim Cruci caput inclinatur.

62. Elevatis & extensis, ut prius, manibus, prosequitur Prefationem pro tempore convenientem.

63. Dicit junctis manibus ante pectus, & inclinatus (non super Altare manibus positus) voce medietati prosequitur, usque ad Canonem.

64. Erigit se, & signum Crucis sibi producit a fronte ad pectus.

65. Elevat aliquantulum manus, oculisque ad DEUM elevatis, ac statim demissis, manibus junctis super Altare positus, profunde inclinatus incipit Canonem secreto dicens: Te igitur &c.

66. Post hæc verba osculatur Altare in medio.

67. Erigit se, jungit manus ante pectus.

68. Dextra ter signat super Hostium & Calicem, communiter, &

69. Extensis manibus ante pectus prosequitur.

70. Una cum famulo tuo Papa nostro  
N.

71. Et Antistite nostro N. & omnibus  
Orthodoxis atque Catholicæ & Apostolicæ  
Fidei cultoribus.

72. Memento Domine famulorum, fa-  
mularumque tuarum.

73. Et omnium circumstantium, quo-  
rum tibi fides cognita est, & nota devotio,  
pro quibus tibi offerimus: vel qui tibi offe-  
runt hoc Sacrificium laudis, pro se, suisque  
omnibus, pro redemptione animarum suarum,  
pro spe salutis & incolumitatis suæ: tibi que  
reddunt vota sua aeterno DEO, vivo, & vero.

74. Communicantes, & memoriam ve-  
nerantes, inprimis gloriosæ semper Virginis  
Mariæ, 75. Genitricis DEI, & Domini no-  
stri JESU Christi. 76. Sed & Beatorum A-  
postolorum, ac Martýrum tuorum: 77. Pe-  
tri, & Pauli, Andreæ, Jacobi, Joannis, Tho-



70. Exprimit nomen Papæ, & caput inclinât. Sede autem vocante hæc verba omittuntur.

71. Exprimit nomen Ordinarii, seu Episcopi illius loci, in quo celebratur. Qui si vita functus est, ea verba omittuntur.

72. Cum dicit Memento (quæ vox uti & reliqua secreto dicenda est) elevans & jungens manus, atque ad faciem, vel pectus, sic paulisper stat in quiete, demisso aliquantum capite, faciens commemorationem vivorum ad suam voluntatem, vel singulariter rememorans (mente secreto nominans) vel communiter uno contextu ipsorum vivorum commemorationem faciens, pro quibus ante Missam orare proposuit. Vide dicta fusius p. 2 Instruct. tit. 21. num. 5.

73. Finito Memento, demissis & extensis, ut prius, manibus, continuat orationem secreto.

74. Silentio stans prosequitur.

75. Caput inclinât.

76. Caput Cruci inclinât.

77. Ad nomina Sanctorum, qui hic & infra n. 116, recensentur, cum pronunciat, caput

mæ, Jacobi, Philippi; Bartholomæi, Matthæi, Simonis & Thaddæi: Lini, Cleti, Clementis, Xysti, Cornelii, Cypriani, Laurentii, Chrysogoni, Joannis, & Pauli, Cosinæ, & Damiani, & omnium Sanctorum tuorum: quorum meritis, precibusque concedas, ut in omnibus protectionis tuæ muniamur auxilio.

78. Per eundem Christum &c.

79. Hanc igitur oblationem servitutis nostræ, sed & cunctæ familiæ tuæ, quæsumus Domine, ut placatus accipias: diesque nostros in tua pace disponas, atque ab æterna damnatione nos eripi; & in Electorum tuorum jubeas grege numerari.

80. Per Christum Dominum nostrum. Amen.

Quam oblationem tu Deus in omnibus quasumus,

81. Benedictam, adscriptam, ratam, rationabilem, acceptabilemque facere digneris.

82. Ut nobis Corpus

83. Et Sanguis fiat

84. Dilectissimi Filii tui Domini nostri.

85. JESU CHRISTI.

86. Qui pridie, quam pateretur.

*inclinat, eo die, quo vel eorum facta est Com-  
memoratio specialis, vel de iis Missa celebratur,  
etiam per Octavas. Gavant. p. 2 tit. 5. n. 1.*

78. *Conjungit manus.*

79. *Expandit manus simul super oblata,  
ita, ut palmæ sint apertæ, versus, ac super,  
Calicem, & Hostiam, quas sic tenens pollice  
dextro super sinistrum posito (etiam de subtrus  
Juxta Arnaud.) usque ad per Christum Do-  
minum nostrum Amen.*

80. *Fungit manus, prosequitur.*

81. *Communiter signat ter super Hostiam  
& Calicem.*

82. *Separatim signat semel super Hostiam  
tantum.*

83. *Et semel super Calicem tantum.*

84. *Elevans, & jungens manus,*

85. *Inclinat Caput Crucis.*

86. *Extergit, si opus fuerit, pollices &  
indices super Corporale.*

87. Accepit Panem in sanctas ac venerabilis manus suas,

88. Et elevatis oculis in cœlum ad te DEUM Patrem suum Omnipotentem, tibi gratias agens.

89. Benedixit, fregit, deditque discipulis suis, dicens:

90. Accipite, & manducate ex hoc omnes:

91. Hoc est enim Corpus meum.



87. Accipit pollice & indice dextræ Hostiam, & eam cum illis ac indice, & pollice sinistrae manus tenens stans erectus.

88. Elevat ad cælum oculos, & statim demittit.

89. Caput aliquantulum inclinat.

90. Tenens Hostiam inter pollicem & indicem sinistrae, dextra producit signum Crucis super ea. Si adsit vas cum aliis Hostiis consecrandis, discoo erit prius dextra vas illud. Cum finierit prædicta verba

91. Cubitis super Altare positus stans capite inclinato, tenens Hostiam inter pollices, & indices utriusque manus, manibus inf rne conjunctis, reliquis manuum digitis extensis & simul quoque junctis distincte reverenter, & secreto profert verba consecrationis super Hostiam, & simul super omnes, si plures sint consecrandæ. Prolatis verbis genuflexus adorat, & se erigens, elevat cum decenti mora, in altum Hostiam (intentis in eam oculis) ut commodè videri a populo; & adorari queat: peracta elevatione, sola dextra demde repositam Hostiam super Corporale, genuflexus iterum adorat

Deinceps pollices, & indices non disjungit, nisi quando Hostiam consecratam attingere debet.

92. Simili modo postquam cœnatum est,

93. Accipiens & hunc præclarum Calicem in sanctas, ac venerabiles manus suas, item tibi

94. Gratias agens

95. Benedixit, deditque discipulis suis dicens: Accipite, & bibite ex eo omnes:

96. Hic est enim Calix Sanguinis mei novi, & æterni testamenti: mysterium fidei: qui pro vobis, & pro multis effundetur in remissionem peccatorum.

97. Hæc quotiescunque feceritis, in mei memoriam facietis.

92. Discooperit Calicem, in quem, si opus sit, intergit digitos: quod semper faciet, si ali-  
quod fragmentum digitis adhæreat, & stans  
erectus dicit: Simili modo.

93. Ambabus manibus accipiens Calicem  
juxta nodum, infra cuppam, & aliquantulum  
illum elevans, ac statim deponens,

94. Caput inclinat.

95. Sinistra Calicem infra cuppam tenens,  
dextra signat super eo, & prosequitur: dedit-  
que &c.

96. Tenens sinistra pedem Calicis parum  
elevatum, dextra nodum infra cuppam, cubitis  
super Altare positus & capite inclinato, profert  
verba consecrationis attente, continuate, & se-  
creto. Quibus dictis reponit Calicem super cor-  
porale.

97. Dicit secreto: Hæc quotiescunque  
&c. & interea genuflexus adorat S. Sanguinem  
reverenter, tum se erigit, & accipiens Calicem  
discooperit cum Sanguine ambabus manibus,  
ut prius, elevet eum, & erectum, quantum com-  
mode potest, ostendit populo adorandum, inten-  
tis in eum oculis: mox ipsum reverenter repo-  
nit super corporale in locum pristinum, & ma-  
nu dextra palla cooperit, ac genuflexus Sacra-  
mentum adorat.

98. Unde, & memores, Domine, nos servi tui, sed & plebs tua sancta, ejusdem Christi Filii tui Domini nostri, tam Beatæ Passionis, nec non & ab inferis resurrectionis, sed & in cœlos gloriosæ Ascensionis, 99. Offerimus præclaræ Majestati tuæ de tuis donis, ac datis, 100. Hostiam † puram, Hostiam † Sanctam, Hostiam † immaculatam,

101. Panem † Sanctum vitæ æternæ,

102. Et Calicem † salutis perpetuæ.

103. Supra quæ propitio, ac sereno vultu respicere digneris, & accepta habere sicuti accepta habere dignatus es munera pueri tui justî Abel, & Sacrificium Patriarchæ nostri Abrahæ: & quod tibi obtulit Summus Sacerdos tuus Melchisedech, Sanctum Sacrificium, immaculatam Hostiam.

104. Supplices te rogamus, Omnipotens DEUS: jube hæc perferri per manus Sancti Angeli tui in sublime Altare tuum, in conspectu Divinæ Majestatis tuæ: ut quotquot,

105. Ex hac Altaris participatione

106. Sacrosanctum Filii tui

107. Corpus, † &

108.

98. *Extensis manibus ante pectus dicit se-  
creto:*  
Unde &c.

99. *Jungit manus.*

100. *Manu sinistra posita super Altare in-  
tra corporale, dextra signat ter communiter  
supra Hostiam, & Calicem.*

101. *Semel super Hostiam tantum signat.*

102. *Semel super Calicem tantum.*

103. *Stans ut prius extensis manibus profe-  
quitur.*

104. *Profunde inclinatus, junctis mani-  
bus, & super Altare positis dicit: Supplices  
&c.*

105. *Osculatur Altare manibus hinc inde  
super corporale positis.*

106. *Jungit manus.*

107. *Dextra signat semel super Hostiam  
tantum.*



108. Sanguinem † sumpserimus,

109. Omni benedictione cœlesti,

110. Et gratia repleamur.

111. Per eundem Christum Dominum  
nōstrum: Amen.

112. Memento etiam Domine famulo-  
rum famularumque tuarum N. & N. qui nos  
præcesserunt cum signo fidei, & dormiunt in  
somno pacis.

113. Ipsis Domine, & omnibus, in  
Christo quiescentibus, locum refrigerii, lu-  
cis, & pacis ut indulgeas, deprecamur.

114. Per eundem &c.

115. Nobis quoque peccatoribus,

116. Famulis tuis, de multitudine mise-  
rationum tuarum sperantibus, partem aliquam  
& societatem donare digneris, cum tuis San-  
ctis Apostolis & Martyribus, cum Joanne,  
Ste-

108. Semel supra Calicem, sinistra super corporale posita

109. Se ipsum signat a fronte ad pectus signo Crucis, sinistra posita infra pectus.

110. Prosequitur: & gratia &c.

111. Jungit manus

112. Secreto iterum vox Memento, cum reliquis dicenda & extensis & junctis manibus ante pectus, & usque ad faciem elevatis, & intentis oculis ad Sacramentum super Altare facit commemorationem fidelium defunctorum, de quibus sibi videtur, eodem modo, capite aliquantulum inclinato (Gerlac.) ut dictum est de commemoratione vivorum. Manus autem primum jungit post verba in somno Pacis: post quæ etiam sit pausa, pro memoria Defunctorum habenda.

113. Commemoratione facta stans erectus, ut prius, extensis manibus iterum prosequitur: Iphis.

114. Jungit manus, & caput inclinat.

115. Vocem aliquantulum elevat, & dextra manu sibi pectus percutit, sinistra posita super corporale.

116. Prosequitur: Famulis &c. stans manibus extensis.

Stephano, Mathia, Barnaba, Ignatio, Alexandro, Marcellino Petro, Felicitate, Perpetua, Agatha, Lucia, Agnete, Cæcilia, Anastasia, & omnibus Sanctis tuis: intra quorum nos consortium non æstimator meriti, sed veniæ quæsumus largitor admitte.

117. Per Christum Dominum nostrum.

Per quem hæc omnia Domine semper bona creas

118. Sanctificas, vivificas, benedixis.

119. Et præstas nobis.

120. Per ipsum, & cum ipso, & in ipso.

121. Est tibi DEO Patri † Omnipotenti,  
in unitate Spiritus † Sancti

122. Omnis honor, & gloria.

117. *Jungit manus ante pectus.*

118. *Signat communiter super Hostiam, & Calicem.*

119. *Discooperit manu dextra Calicem, & genuflexus Sacramentum adorat, tum se erigit, & reverenter accipit Hostiam inter pollicem, & indicem dextræ manus, & cum ea super Calicem, quem manu sinistra tenet, circa nodum infra cuppam*

120. *Signat ter a labio ad labium intra Calicem, eum tamen Hostia non contingat, dicens: Per ipsum &c.*

121. *Et similiter cum Hostia signat bis inter Calicem, & pectus, incipiens a labio Calicis, & dicit: Est tibi &c.*

122. *Tenens manu dextra Hostiam super Calicem, elevat eum aliquantulum simul cum Hostia dicens: Omnis honor &c. Et statim utrumque deponens, Hostiam collocat super corporale, & si opus sit, digitos extergit, ut supra; ac pollices, & indices, ut prius jungens,*  
Cali-

PARS III. *Ab Oratione Dominica usque  
ad finem.*

123. Per omnia sæcula sæculorum.

124. Oremus: Præceptis salutaribus moniti, & Divina institutione formati audemus dicere:

125. Pater noster, &c. in tentationem.  
*Minister.* Sed libera nos a malo.

126. Amen.

127. Libera nos, quæsumus Domine, ab omnibus malis, præteritis, præsentibus, & futuris: & intercedente Beata & gloriosa semper Virgine DEI Genitrice MARIA, cum Beatis 128. Apostolis tuis Petro, & Paulo, atque Andrea, & omnibus Sanctis,

128.



*Calicem palla cooperit, & genuflexus Sacramenta adorat.*

123. *Cooperio Calice, adoratoque Sacramento, erigit se, & manibus extensis hinc inde super Altare intra corporale positus, dicit intelligibili voce: Per omnia &c.*

124. *Fungit manus, caput Sacramento inclinans, cum dicit: Oremus.*

125. *Extendit manus, & stans oculis ad Sacramentum intentis prosequitur usque ad finem. Cum dicit: Et ne nos inducas &c. non jungit manus; sed sinistra super corporale posita, & 126. Dicto Amen. submissa voce, manu dextra, pollice, & indice non disjunctis, patenam aliquantulum purificatorio extergens, eam accipit (si tamen facile tolli non queat, sinistra manus subsidio esse poterit, alias non adhibenda,) inter indicem & medium digitum, quam tenens super Altare erectam.*

127. *Sinistra super corporale posita, dicit secreto: Libera.*

128. *Elevat manu dextra patenam ab Altari, & seipsum cum ea signare incipit ad ea verba: cum beatis Apostolis &c. Cum se signat, manum sinistram ponit infra pectus: deinde patenam ipsam osculatur, v. g. ubi Crux est in margine, nec post osculum rursus extergit.*

129. Da propitius pacem in diebus nostris.

130. Ut ope misericordiæ tuæ adjuti,  
& a peccato simus semper liberi, & ab omni  
perturbatione securi.

131. Per eundem Dominum nostrum  
JESUM Christum Filium tuum,

132. Qui tecum vivit, & regnat

133. In unitate Spiritus Sancti DEUS

134. Per omnia sæcula sæculorum. R.  
Amen.

129. *Dicens: Da propitius.*

130. *Submittit patenam Hostiæ, quam indice sinistræ accommodat super patenam super corporale positam, & ut communis mos est, parvum pedi Calicis innixam, ut postea & partes Hostiæ, & patena ipsa, commodius accipi possint; nec fragmenta a tergo patenæ adhererent: discooperit Calicem, & genuflexus Sacramentum adorat: tum se erigens, accipit Hostiam inter pollicem, & indicem dextræ manus, & cum illis, ac pollice, & indice sinistræ manus eam super Calicem tenens.*

131. *Reverenter frangit per medium a superiori parte incipiens, & dicens: Per eundem &c. Et mediam partem, quam inter pollicem, & indicem dextræ manus tenet, ponit super patenam.*

132. *Ex parte, quæ in sinistra remansit, frangit partitulam inferius, dicens: qui tecum &c.*

133. *Partem majorem, quam sinistra tenet, adjunget mediæ super patenam positæ, interim dicens: in unitate &c.*

134. *Particulam Hostiæ præcisam, quam in dextra manu retinuit, tenens super Calicem, quem sinistra per nodum infra cuppam retinet, intelligibili voce dicit: Per omnia &c.*

135. Pax † Domini sit † semper vobiscum.

136. *Minister.* Et cum Spiritu tuo.

137. Hæc commixtio, & consecratio Corporis, & Sanguinis Domini nostri JESU Christi, fiat accipientibus nobis in vitam æternam. Amen.

138. Agnus DEI, qui tollis peccata mundi.

139. Miserere nobis.

140. Agnus DEI, qui tollis peccata mundi.

141. Miserere nobis.

142. Agnus DEI, qui tollis peccata mundi, dona nobis pacem.

135. Cum ipsa particula signat ter a labio ad labium intra Calicem dicens: Pax Domini.

136 Ad Responsum Ministri particulam, quam dextra manu tenet, immittit in Calicem, dicens secreto.

137. Hæc commixtio, &c. Deinde pollices, & indices super Calicem aliquantulum tergit, & jungit, Calicem palla cooperit, & genuflexus Sacramentum adorat, surgit.

138 Et stans junctis manibus ante pectus, capite inclinato (in ordine Missæ inclinatus junctis manibus id jubetur facere) versus Sacramentum dicit intelligibili voce: Agnus Dei.

139 Dextra percutiens sibi pectus, sinistra super corporale posita. Quin etiam dextra, dum repetitur percussio pectoris, non in aere hæreat, sed super corporale identidem modeste reponatur. Quod idem, in simili postea, ad Domine non sum dignus, iterum fiat.

140. Iterum percutit pectus sibi.

142: Iterum tertio percutit. In Missis Defunctorum omittitur percussio pectoris, & manus interim ante pectus junctæ tenentur, non impositæ Altari. Et loco Miserere nobis, dicitur Dona eis requiem; & tertia vice addit: Sempiternam Tum manus junctas Altari, more solito, imponit.



143. Domine JESU Christe, qui dixisti Apostolis tuis : pacem relinquo vobis, pacem meam do vobis, ne respicias peccata mea, sed fidem Ecclesiæ tuæ, eamque secundum voluntatem tuam pacificare, & coadunare digneris. Qui vivis, & regnas Deus, per omnia sæcula sæculorum. Amen. 144. Domine JESU Christe, Fili DEI vivi, qui ex voluntate Patris, cooperante Spiritu Sancto, per mortem tuam mundum vivificasti: libera me per hoc Sacro-sanctum Corpus, & Sanguinem tuum, ab omnibus iniquitatibus meis, & universis malis, & fac me tuis semper inherere mandatis, & a te nunquam separari permittas: qui cum eodem DEO Patre, & Spiritu Sancto vivis, & regnas DEUS in sæcula sæculorum. Amen.

Perceptio Corporis tui Domine JESU Christe, quod ego indignus sumere præsumo, non mihi proveniat in judicium, & condemnationem: sed pro tua pietate profit mihi ad tutamentum mentis, & corporis, & ad medelam percipiendam. Qui vivis, & regnas cum DEO Patre, in unitate Spiritus Sancti DEUS, per omnia sæcula sæculorum. Amen.

145.

146.

143. *Manibus junctis super Altare positis, oculisque ad Sacramentum intentis, inclinatus dicit secreto: Domine Jesu Christe &c.*

144. *Si danda sit pax, osculatur hic Altare, & dat pacem dicens: Pax tecum. R. Es cum Spiritu tuo.*

*In Missis Defunctorum non datur pax, neque dicitur præcedens oratio*

*Si est daturus pacem, osculatur Altare in medio, & instrumentum pacis ei porrectum a ministro, juxta ipsum ad dextram, hoc est; in cornu Epistolæ genuflecto, & dicit: Pax tecum. Si non adest, qui hujusmodi instrumento pacem recipiat a celebrante, pax non datur, etiamsi illius datio Missæ conveniat: nec osculatur Altare, sed dicta præmissa Oratione statim subjungit alias duas h.c. præscriptas.*

145. *Quibus orationibus dictis genuflectens Sacramentum adoratur, & se erigens*

146. Panem cœlestem accipiam, & nomen Domini invocabo.

147. Domine non sum dignus, ut intres sub tectum meum, sed tantum dic verbo, & sanabitur anima mea.

2. Domine non sum &c. 3. Domine non sum dignus, &c. anima mea. 148.

149. Corpus Domini nostri JESU Christi custodiat animam meam in vitam æternam.

150. Amen.

146. Secreto dicit: Panem &c. quo dicto dextra manu accipit de patena reverenter ambas partes Hostiæ, & collocat inter pollicem, & indicem sinistrae manus, quibus patenam inter eundem indicem, & medium digitos supponit, & eadem manu sinistra tenens partes huiusmodi (ut, quantum fieri potest, circulus Hostiæ integer appareat) super patenam intra Calicem, & pectus parum inclinatus; non tamen cubitum sinistrum Altari imponens, sed suspensum inter pectus, & Calicem tenens, manu interim nihilominus, ne libera in aere hæreat, decenter arce imposita.

147. Dicit voce aliquantulum elata tribus vicibus: Domine non sum dignus &c. non retrahens pedem reverentiæ causa, aut genu curvans, dextra tribus vicibus percutit pectus suum.

148. Ex sinistra accipit ambas partes prædictas Hostiæ inter pollicem, & indicem dextræ manus.

149. Et cum illa supra patenam signat seipsum signo Crucis (nondum, a Rubrica, erigere se iussus) ita tamen, ut Hostia non egrediatur patenæ limites, immote dicens: Corpus Domini nostri &c.

150. Se inclinans nunc profundius, quam antea, mediis corporis inclinatione, & cubitis super Altare positis, reverenter eadem ambas

151. Quid retribuam Domino pro omnibus, quæ retribuit mihi?

152. Calicem salutaris accipiam, & nomen Domini invocabo. Laudans invocabo Dominum, & ab inimicis meis salvus ero.

153. Sanguis Domini nostri JESU Christi custodiat animam meam in vitam æternam. Amen.



partes sumit, quibus sumptis deponit patenam super corporale, & erigens se, junctis indicibus & pollicibus, ambas quoque manus ante faciem non indecore tamen, & ut summitas digitorum os circiter contingat, non nares: ponit Gerlac.) jungit, & aliquantulum quiescit (non inclinato capite, in meditatione SS. Sacramenti

151. Deinde depositis manibus dicit Secreto: Quid retribuam &c. & interim discooperit Calicem, genuflectit, surgit, accipit patenam, inspicit corporale, colligit fragmenta cum patena, si quæ sint in eo, patenam quoque diligenter cum pollice & indice dextræ manus super Calicem extergit, & ipsos digitos, ne quid fragmentorum in eis remaneant.

Si vero adsint Hostiæ consecratæ super corporale positæ pro alio tempore conservandæ, facta prius genuflexione, reponit eas in vas ad hoc ordinatum, & diligenter advertit, ne ali. quod fragmentum, quantumcunque minimum, remaneat super corporali: quod si fuerit, accurate reponit in Calicem

152. Post extersionem patenæ, junctis pollicibus, & indicibus Calicem dextra manu infra nodum cuppæ accipit, sinistrâ patenam, dicens: Calicem &c.

153. Signans se signo Crucis cum Calice dicit: Sanguis Domini &c. & manu sinistra

154. Quod ore sumpſimus, Domine,  
pura mente capiamus: & de munere tempo-  
rali fiat nobis remedium ſempiternum.

155. Corpus tuum Domine, quod ſumpſi,  
& Sanguis, quem potavi, adhæreat viſceribus  
meis, & præſta, ut in me non remaneat ſce-  
lerum macula, quem pura, & Sancta refece-  
runt Sacramenta. Qui vivis, & regnas in  
ſæcula ſæculorum.

Supponens patenam Calici, stans reverenter sumit totum Sanguinem cum particula in Calice posita, non inconcinne reclinando, & gyrando caput. Calicem, post sumptum S. Sanguinem sapius lambere juxta tradita hic p. 2 tit 27 n. 1. aut ad colligendas guttas, elatum in sublime, super patenam evertere, indecorum est. Gerlac: p. 2. tit. 10 §. 28.

154. Sumpto S. Sanguine dicit secretò: Quod ore sumpsimus. Et super Altare (nisi Ministri parva statura aliud exigat) porrigit Calicem, Ministro in cornu Epistolæ vinum infundete, quo se purificat, supponens iterum patenam Calici.

155 Deinde vino, & aquâ, interim dicens: Corpus tuum &c., (manens in medio Altaris, non accedens ad cornu Epistolæ, juxta Gerlac. & Arnaudum; aut certe in abitu & veditu, faciens competentem reverentiam vel Cruci, vel Sacramento) abluit pollices, & indices super Calicem (non jam super Altare, ex præscripto, porrigendum) quem tamen, facta ablutione, in corporali, non procul à purificatorio (quo mox abstergit digitos) locare, videtur esse decentius (Per se autem loquendo non peccat, qui vel solo aquâ, vel solo vino digitos abluit. P. Gobat. tr. 3 n 83.) cavendum verò est, ut ne defluentes guttæ, vel ex digitis, vel pede Calicis, se quibus fortè aspersus fuerit, corporale commaculent.

156. Amen.

157. Ecce Virgo concipiet, &c.

158.

culent Gerlacus l. c. 33. Neque etiam pes Calicis, si conspersus sit, purificatoriô, ad solos usus Sacros adhibendô, sed alio linteo tergendus erit.

Observanda, in Communione populi, alibi nota sunt.

156. Ablutionem sumit, sinistrâ supponens purificatorium Calici, & extergit os, & Calicem purificatorio: quo factô, purificatorium extendit super Calicem, & desuper patenam, ac super patenam parvam pallant, & cooperit Calicem velo ac utraque manu adhibita, sinistrâ ad nodum, dextrâ super Calicem removet eum in sinistrum latus, ut plicari queat corporale: cum dextra manu recipitur bursa, quæ post insertum corporale, itâ Calici imponitur, ut ejus apertura antrosum, non ad latus, respiciat, deinde acceptum denuo circa nodum, sinistra manu Calicem, dextrâ desuper positâ, collocat in medio Altaris, & velum aptat, ut, sicuti in principio Missæ, totus Calix lateat.

157. Facit Cruci profundam reverentiam, & â medio ad cornu Epistolæ accedens stans manibus junctis, legit Communionem: Ecce Virgo &c. quâ lectâ junctis iterum manibus ante pectus vadit ad medium Altaris & eo osculato, vertit se ad populum â manu sinistra ad dextram.

158. Dominus vobiscum.

159. Oremus. Gratiam tuam, &c.

160. Sæcula sæculorum.

161. Dominus vobiscum.

162. Ite Missa est, Vel

163. Benedicamus Domino.

164. Requiescant in pace.



158. Dicit Dominus &c. Et per eandem viam redit ad librum.

159. Dicit Oremus: Et ut supra Orationes eodem numero Et modo, uti dictæ sunt collectæ.

160. Claudat librum, Et jungens manus ante pectus, revertitur ad medium Altaris, eoque osculato

161. Vertit se ut supra, Et dicit: Dominus vobiscum: quo dicto stans junctis manibus versûs populum.

162. Dicit, si dicendum est, Ite: Et per eandem viam revertitur ad Altare Si verò non sit dicendum, revertitur eodem modo per eandem viam ad medium Altaris.

163. Ubi stans versûs illud junctis ad pectus manibus dicit: Benedicamus.

164. In Missis defunctorum eodem modo stans versûs Altare dicit: Requiescant.

In Quadragesima autem a feria 4 Cinerum usque ad feriam 4. majoris hebdomadæ, in feriali Officio, postquam Celebrans dixit orationes post Communionem cum suis solitis conclusionibus antequam dicat: Dominus vobiscum, stans in eodem loco ante librum dicit: Oremus: Humilitate capita vestra DEO. Caput inclinans Cruci, Et extensis manibus subjungit eadem voce Orationem, super populum ibidem positam: qua finita osculatur Altare, Et

165. Placeat tibi Sancta Trinitas obsequium servitutis mee, & præsta: ut Sacrificium, quod oculis tuæ Majestatis indignus obtuli, tibi sit acceptabile, mihiq̃ue, & omnibus, pro quibus illud obtuli, sit te miserante, propitiabile. Per Christum Dominum nostrum.

166. Amen.

Benedicat vos Omnipotens

167. DEUS

168. Pater, & Filius, † & Spiritus Sanctus, Amen.

169. Dominus vobiscum.

170. initium S. Evangelii secundum Joannem. In principio erat &c.

171. ET VERBUM CARO FACTUM  
EST.

*Minister.* DEO gratias.

vertens se ad populum dicit: Dominus vobiscum. Et alia ut supra.

165. Ante medium Altaris iunctis manibus super eo, Et capite inclinato dicit secreto: Placeat &c.

166. Osculatur Altare, Et elevatis oculis extendens, elevans, Et jungens manus: Benedicat.

167. Crucem inclinat caput, Et versus ad populum, semel tantum benedicens etiam in Missis solemniibus

168. Prosequitur: Pater & Filius, &c. vertens se dextrorsum, ad cornu Evangelii, si non proster Venerabile.

In Missis defunctorum omittitur benedictio, Et dicto Placeat, osculatur Altare, Et statim:

169. Accedit ad cornu Evangelii dicens: Dominus &c.

170. Signat Altare (sed tantum, si Venerabile non proster) vel librum, Et se, ut supra in Evangelio primo.

171. Genuflectit, Et si proster Venerabile, parum versus illud, alias versus cornu Evangelii.

*Finito Evangelio, rediens ad medium Altaris facit competentem vel Cruci, vel SS. Sacramento ibidem reverentiam, & disposito Calice, tum accipiens infra infimum gradum Altaris descendit, & vel profunde se Cruci iterum inclinatur, aut coram SS. Sacramento genuflectit, discedensque ab Altari Sacristiam versus pro gratiarum actione dicit: Hym. Trium puerorum &c.*

## ORATIONES

dicendæ, cum Sacerdos induitur Sacerdotalibus paramentis.

### *Cum lavat manus.*

Da, Domine, virtutem manibus meis ad abstergendam omnem maculam: ut sine pollutione mentis, & corporis valeam tibi servire.

### *Ad Amictum, dum ponitur super caput.*

Impone, Domine, capiti meo galeam salutis, ad expugnandos diabolicos incursus.

*Ad*

*Ad Albam, cum ea induitur.*

Dealba me Domine, & munda cor meum:  
ut in sanguine Agni dealbatus, gaudiis per-  
fruar sempiternis,

*Ad Cingulum, dum se cingit.*

Præcinge me, Domine, cingulo puritatis,  
& extingue in lumbis meis humorem libidi-  
nis: ut in me maneat virtus continentiae, &  
castitatis.

*Ad manipulum, dum imponitur bra-  
chio sinistro.*

Merear, Domine, portare manipulum  
fletus, & doloris: ut cum exultatione recipi-  
am mercedem laboris.

*Ad Stolam, dum imponitur collo.*

Redde mihi, Domine, Stolam immortaliz-  
tatis, quam perdidi in prævaricatione primi  
parentis: & quamvis indignus accedo ad tu-  
um Sacrum Mysterium, merear tamen gau-  
dium sempiternum.

*Ad*

*Ad Casulam, dum assumitur,*

Domine, qui dixisti: jugum meum suave est, & onus meum leve: fac me istud ita portare ut consequar tuam gratiam. Amen.

---

DIUR.



DIURNALE

PII

SACERDOTIS

EX

PROBATISSIMIS ASCETIS

INDUSTRIE COLLECTUM

ET USUI,

ETIAM NON SACERDOTUM

ACCOMMODATUM.

Mors est malis,

Vita bonis.

---

## DEVOTIO MATUTINA.

---

*A Jove Principatum: a Deo (creatarum rerum omnium Authore) suum Dies Christianus ducat exordium. Atque inde hominis, vel modicum salutis suae studiosi prima de somno evigilantis cogitatio Sanctissimorum nominum JESUS, MARIA, & JOSEPH sit devota invocatio!*

*Protinus ad Deum toto corde, toto affectu, totisque viribus conversus cum gentium Doctore Paulo ad omne Dei obsequium se promptum, expeditumque offerat: illud identidem ingeminando: Domine! quid me vis facere? Act. 9. vel eum Psalmista Rege: Paratum cor meum Deus, paratum cor meum! Ps. 56.*

AF.

## AFFECTUS.

### INTER INDUENDUM.

O Gloriosissime JESU! da mihi, ut sicut electulo meo surrexi, meisque me vestibus induo, itá in die Judicii é sepulchro gloriosus resurgam, induárque gloriâ, & decore.

### VEL:

Indue me Domine novum hominem, qui secundum Deum in Justitia, & Sanctitate continuó vias meas ambulem, & a lege sancta tua né vel in minimo deflectam.

### ACTUS MATUTINI.

O dulcissime amor mi, dono tibi cor meum, & animam meam. Torus sim tuus! nihil mihi árogo in æternum! O JESU! Candor lucis æternæ! Deus, Deus meus, & omnia!

GRA-

GRATIARUM ACTIO.

Benedicta sit Sancta Trinitas, atque indivisa Unitas: Pater, & Filius, & Spiritus Sanctus! Confitebimur ei, quia fecit nobiscum misericordiam suam.

Benedictus sit Deus Pater, qui me creavit, & conservat; unigenitusque Dei Filius, qui me redemit; S. quoque Spiritus, qui me sanctificavit.

Adoro, laudo, & saluto te dulcissimum, & vernans Cor JESU Christi, & ex totis viribus cordis mei, ago tibi gratias, quòd me hac nocte custodiveris, Deòque Patri pro me laudes, & gratiarum actiones persolveris.

Immortales etiam vobis gratias, Virgo Sanctissima, DEI genitrix Immaculata Maria! SS. Angeli, & Patroni mei! pro speciali tutela mihi, & omnibus in toto mundo hominibus

bus hac nocte exhibita! benedicant, & collaudent vos omnes omnium anhelitus, & respiria. Psallat cor nostrum vobis gratiarum Canticum, ut semper, præsertim in agone nostro, a vobis adjuvari mereamur.

## OBLATIO

### T O T I U S D I E I.

Quantus, quantus sum, totus tuus Domine sum; quantus in corpore, quantus in anima; quantus in omnibus fortunis meis. Ac proinde reddo ego me tibi totum, qui totum me tibi tot titulis debeo. Ecce diem, quem hodie cæpi, impendendum obsequiis tuis a te mihi concessum! hunc una mecum altissimæ tuæ Majestati reverentissime dedico, & subæterno, volens, ac efficaciter desiderans, ut serviat tibi Domine, quid quid agam, quid quid loquar, quid quid cogitabo. Volo, ut omnis anima,



nimæ, & corporis motus, omne momentum vitæ meæ nihil spiret aliud, quam laudem, & gloriam tuam: Sanctus! Sanctus! Sanctus Dominus Deus Sabaoth.

Et hæc omnia unita meritis vitæ, & passionis Domini nostri JESU Christi, sanguine ejus aspersa, in corde deposita, manibus benedicta, conjuncta omnibus lacrymis pœnitentium Sanctorum; omnibus meritis Electorum tuorum offero Divinæ Majestati tuæ, ex amore tui ad majorem gloriam tuam. In gratiarum actionem & satisfactionem. Ad impetrandam mihi virtutem, & gratiam (N.) Ad impetrandam Peccatoribus pœnitentiam, & contritionem; ægris sanitatem; tentatis auxilium efficax; iuste bellantibus victoriam; quibuscunque indigentibus tuam opem, agonizantibus perseverantiam; defunctis requiem, omnibus denique invocantibus Nomen tuum, vitam sempiternam.

## PETITIO

## BENEDICTIONIS DIVINAE.

Benedic mihi hodie, & quotidie  
Sancta & Individua Trinitas! Bene-  
dic mihi ineffabilis Potentia Patris;  
Sapientia Filii; & Virtus Spiritus  
Sancti.

O Virgo! Mater misericordiae!  
dulcissima Parens! fons divinæ pie-  
tatis & gratiae! intercede pro me!  
impetra mihi, ut casto, & modesto  
corde, Filio tuo, & tibi in omnibus  
actionibus meis servire, & placere  
incessanter studeam.

S. Michael Archangele! defende  
me in prælio, ut non peream in tre-  
mendo Judicio.

Per merita Sanctorum Patrono-  
rum meorum! per Crucem, & pre-  
tiosum sanguinem Salvatoris mei Je-  
su Christi! per merita totius trium-  
phantis, & militantis Ecclesiae, San-  
cte Deus! Sancte Fortis! Sancte &  
Immortalis miserere mei.

A subitanea, & improvisa morte libera me Domine! a peccandi occasione, a carnalibus desideriis, a corde obstinato, & in peccatis obdurato, a spiritu superbiæ; ab omni prava intentione, ab appetitu mundanæ consolationis, ab omni vanitate, a deliberato veniali peccato, æternaque mei damnatione libera me Domine.

POSTULATIO GRATIARUM.

Inclina aurem tuam ad preces meas Domine Deus, refugium meum, & custodi me! Notam mihi fac viam, qua digne ambulem; & doce me facere voluntatem tuam.

Da cordi meo te desiderare, desiderando quærere, quærendo invenire, inveniundo perfecte super omnia amare.

Pone custodiam ori meo, ut non delinquam in lingua! da patientiam in adversis: continentiam in  
D. . . . . pro-

prosperis; fac me terrena despiciere,  
& diligere cœlestia. Auge in me fi-  
dem, spem, & charitatem; deduc me  
in semitam mandatorum tuorum, &  
quod a me requiris, ut faciam, tri-  
bue, ut sciam. Tu scis Domine,  
quid a te petere debeam! id tu mihi  
largire, qui omnia potes. In te  
enim confido, & scio, quia non con-  
fundar.

PROTESTATIO.

Protestor coram te, & sanctis tuis  
omnibus, O infinita Dei Bonitas!  
me nec graviter, nec leviter velle  
hodie, aut unquam peccare; malo-  
que, fretus tuo divino auxilio, quod  
supplex imploro, jacturam vitæ meæ  
millies subire, quam in ullam, etiam  
minimam, Bonitatis tuæ infinitæ of-  
fensam declinare.

PRO-

PROPOSITUM.

Volo omnia facere ab hoc momento eo motivo, eoque modo, quo tu vis, & quia tu vis illa fieri. Volo, non tepide, sed ferventer, & perfecte in continua amoris proprii mortificatione tibi Deo meo servire; solitos meos prolapsus - - - peculiari cautela evitare, idque totum pure propter te Deum meum unicum, ac solum Bonum.

AD B. V. MARIAM.

O augusta misericordiae Mater! gloriosa Dei Genitrix Maria. Te ego, post Deum unica Spes, & Salus mea, novo amoris affectu in Matrem meam gratiosissimam, unice colendam, amandam, imitandamque suscipio. Ah! suscipe tu quoque me, licet indignissimum, in filium tuum, ut Materna cura tua protectus, potentissimoque, quo apud Deum va-

D a x x x x x les,

les, patrocínio tuo adjutus, nullo unquam seu mortali, seu veniali scelere, animam meam commaculem.

Age, o! potentissima cœli, terræque Domina! & mihi indigno servo tuo præsertim singulare donum Castitatis, Humilitatis, Patientiæ, & Continuæ mei in omnibus perfectissimæ abnegationis, quin & donum omnium virtutum, quibus tu olim in vita tua filio tuo singulariter placebas, mihi minimo clienti tuo clementissime impetra; meque in statu vitæ (filio tuo, & tibi gratissimo) conserva: O clemens! o pia! o dulcis Virgo Maria.

Memento, quæso, mei nunc, & in hora mortis meæ, Amen.

AD S. ANGELUM CUSTODEM.

Angelice Patrone,  
Cœlestis Spiritus:

Custos,



Custos, & Ductor bone  
Mi date cælitus:  
Cum mors fatali ense  
Pectus disruperit,  
Et furva Ditis dense  
Phalanx obsederit;  
Ah! Angele! afflictum  
Clientem protege:  
Ne sine te relictum  
Debellent furæ.

V. Angelis suis Deus mandavit de te.

R. Ut custodiant te in omnibus viis  
tuis.

— O R E M U S .

O! Sancte Dei Angele, Princeps  
cælestis, & Custos mi fidelis, cu-  
jus vigilantissimæ curæ, ac protecti-  
oni omnium Creator Deus ab ortu  
nativitatis meæ me commisit; ex to-  
to cordis affectu tibi gratias ago ob  
illum amorem, & custodiam, qua  
D 3 tu

tu me tum lapsa nocte, tum reliquis  
ante actæ vitæ meæ diebus tam fide-  
liter protexisti. Benedicta sit hora,  
qua mihi in custodiam datus, & in  
Defensores, ac Patronum deputa-  
tus es! Benedicta sit tua in me charitas,  
omnique tua sollicitudo, qua salutem  
meam procurare tam solerter curas.  
Ecce! iterum, iterumque & animam,  
& corpus meum pro hodie, & tota  
vita mea fidelissimæ tuæ curæ impen-  
sissime commendo, duc, quæso,  
cæcum, ignorantem instrue: imbecil-  
lem conforta: errantem reduc: pi-  
grum impelle: dormientem excita:  
peccantem coerce: ad bona opera  
impelle: in cunctis periculis succur-  
re: ab omnibus inimicis visibilibus,  
& invisibilibus tuere: ac tandem ex-  
tremam illam difficilem luctam, quæ  
cum hostibus animæ meæ futura est  
in morte, felicem esse procura, ut  
sic munimine tuo protectus in cæle-  
sti patria tecum, & cum omnibus  
angelis

angelis cæteris vultum gloriæ Dei  
æternum merear contemplari.

# PRÆPARATIO

## AD ACCEDENDUM FRUCTUOSE

### SACRAMENTUM POENITEN-

### TIÆ

*Hoc Sacratissimum Sacramentum est la-  
vacrum sanguinis Agni Dei Immaculati;  
quis eo lavari & stolam animæ suæ fæ-  
datam dealbari nolit? Pistrina est Proba-  
tica: Joan. 5. In qua post motionem a-  
quæ quisque sanus fieri potest, a quacun-  
que detineatur infirmitate Et quis cæger  
in eam mitti renuat? Digna hujus San-  
ctissimi Sacramenti frequentatione magna  
Dei gratia; pænurum indulgentia, ma-  
gnum robur contra tentationes acquiritur;  
ecquis horum se participem facere negli-  
gat? certe nisi Sacerdos (nisi Catholicus  
D 4 quis-*

quiscunque, salutis suæ vel modicum studiosior) Sacramentum hoc sine speciali præparatione crebrius accedat, periculum manifestum facit, ne gratiæ loco, quam alioquin per usum Sacramenti hujus facile invenire posset, damnationem potius hauriat sempiternam. Ac proinde Præxim aliquam succinctam debite parandi se pro sacra Confessione, quemadmodum & actus doloris, ac Propositi ad Sacramentum hoc necessarios paginæ sequentes dabunt.

## ORATIO.

### ANTE EXAMEN CONSCIENTIÆ.

Domine Deus, qui scrutaris profundum cordium humanorum, & in cujus conspectu nihil occultum manet, illumina oculos mentis meæ, ut peccata mea, quibus Majestatem tuam offendi, rite agnoscere, agnita desicere, & desiceta emendare efficaciter

tervaleam, Per Christum Dominum nostrum.

## ACTUS DOLORIS

ANTE S. CONFESSIONEM ELICIENDUS.

Pater! ah Pater! peccavi in cœlum, & coram te! jam non sum dignus vocari filius tuus. Desideriis, & concupiscentiis obtemperavi, te fidelissimo Patre contempto! fodi mihi cisternas dissipatas, quæ continere non valent aquas, te Fonte aquæ vivæ relicto, gaudium in creaturis quæsiavi, quod in te solo inveniri potest.

O! quæ major mea infania? quæ malitia mea major esse poterat? tu, piissime JESU, beneficiis multis, ac magnis cumulasti me: & ego multis ac magnis delictis offendi te; Vah Ingratitudinem meam! fluite lacrymæ! heu plenis rivis effluite! quia  
D      offen-

offendi Deum meum, summum & unicum Bonum, in se, & propter se, ab æterno infinite super omnia amabile! hæc unica, & sola acerbissimi doloris mei causa est!

Diffiliat, ac conteratur dolore, & luctu cor meum, quia inique egi, & contra Bonitatem tuam infinitam deliqui.

O Jesu dulcissime! Deus optime! doleo, doleo me peccasse, pure quia te omni amore dignissimum Bonum, Deum meum offendi; sed nullum, nullum amplius post hac peccatum! potius in profundum inferni demergar, quam vel cogitem de peccato adversus te admittendo!

Miserere mei, miserere secundum magnam misericordiam tuam, & secundum multitudinem miserationum tuarum dele omnes iniquitates meas!

Im-



Immerge vulneribus tuis animam meam peccatis sædatam, ut abluatur in Sanguine tuo. Projicio peccata mea in abyssum misericordiæ tuæ, ut penitus annihilentur. Offero tibi pro eis merita tua infinita, tuam amarissimam Passionem, ac mortem pro illis tibi offero, ut, quando subinde mori me voles, misericordiam ego tuam apud te inveniam.

Interim autem redde mihi, obsecro, licet filii nomine indigno, tu Pater benignissime! gratiæ tuæ vestem, quam peccatis meis tam turpiter perdidi. Restitue amoris tui annulum, quem amore creaturarum tam proterve pessumdedit, ut hoc ornatu in Cœna tua Eucharistica gratiofus comparere, tibi que æternum adherere merear. *Mihi enim Deo adherere bonum est.*

## AFFECTUS ALIUS

### CONTRITI CORDIS

SACRAE CONFESSIONI PRAEMITTENDUS.

Miserrimus ego peccator peccavi in  
cœlum, & coram te. Inde revertor  
ad te Redemptorem meum, & De-  
um meum in toto corde meo, & do-  
leo, quantum te adjuvante dolere  
possum, de omnibus iniquitatibus,  
& peccatis meis; non alio doloris  
mei motivo, quam: quia peccando  
te unicum, & summum Bonum (in-  
finitam tuam divinam Bonitatem)  
peccator scelestus offendi. Fac, ob-  
secro, o Pater misericordiarum! ut  
dolor hic meus adhuc intensior sit;  
ut doleam multo amplius, soloque  
amore tui, quo in tuam divinam Bo-  
nitatem ardentissime flagro; contri-  
tus ad pedes tuos concidam.

De-

Detestor jam, & abominor super omne malum peccata mea, quorum tu numerum noscis; paratus etiam palam & clam Ministro tuo illa sincere confiteri, & quæ (etiam quam maxime volenti) non occurrunt, ea omnia huic sacræ Confessionis inclusa, & tuo sacratissimo sanguini immersa cupio, ut, quod mihi deest, illius pretio suppleatur.

Respice clementissime Pater prodigum filium tuum pœnitentem, quemadmodum respexisti unigenitum in horto prostratum & pro me sanguinem sudantem.

Omnem dolorem, quem ille super peccatis totius mundi unquam habuit, ego tibi Pater misericordissime in supplementum contritionis meæ humillime offero, rogans: ut meritis ejus (dilecti scilicet Filii tui) in conspectu tuo hodie gratiam per virtutem Sacramenti pœnitentiæ re-

D 7 con-

conciliatus inveniam, & te in æternum amplius non offendam.

POST PERACTAM S. CONFESSIONEM  
ORATIO.

Sit tibi Domine, obsecro, meritis Beatissimæ semper Virginis Genitricis tuæ Mariæ, omniumque Sanctorum tuorum grata, & accepta ista confessio mea, & quidquid mihi defuit nunc, & alias de sufficientia contritionis, de puritate, & integritate confessionis, suppleat, oro, Pietas, & Misericordia tua, & secundum illam digneris me habere plenius, & perfectius absolutum in cœlis, qui vivis, & regnas Deus in sæcula, Amen.

ALIA ORATIO

IMMEDIATE POST S. CONFESSIONEM.

Ad te, o benignissime JESU! revertor, & grâtiâs tibi, quas possum,  
&

& teneor, obstrictissimas rependo, quod a fœdissima peccatorum meorum lepra mundare animam meam, tam misericors Pater, dignatus sis. Sit nomen tuum o Jesu! benedictum in sæcula! vere tu JESUS verus Salvator es, qui neminem a te, quamvis flagitiosissimum, repellis; qui omnes, serio contritos corde, in gratiam tuam recipis, & filiorum tuorum numero, misericordissimus Pater, adscribis.

Misericordiæ tuæ viscera, o Jesu! agnosco, & amplector, meque servitio tuo totum deinceps ex toto mancipio, & addico. Adjuva, obsecro, imbecillitatem meam, ut nunquam hujus tui mihi præstiti beneficii oblitus, amore ullius boni creati, aut præposteris affectus impulsu in peccatum aliquod scelestus prolabar. Hoc certe meum adamantinum est propositum: *in æternum amplius non peccare.* Tu Deus confirma, quod

quod sancte operatus es hodie in ser-  
vo tuo. Amen.

PIA  
SACERDOTIS

AD CELEBRANDAM MISSAM  
PRAEPARATIO.

*Certum est: Christum in Sanctissimo Al-  
taris Sacramento magno erga nos amore  
adventum nostrum praestolari. Desiderat  
ille gratias suas, & dona tanto cumula-  
tius nobis largiri, quanto ardentiore pie-  
tatis affectu cor nostrum flagrans invene-  
rit. Ultro ipsemet ad nos venire, nos  
Sanctissimo corpore suo pascere, & san-  
guine sacratissimo potare anhelat. Et  
quid tu Sacerdos Dei? altaris Minister,  
ut hospitem tantæ majestatis, Deum tu-  
um, digne juxta, atque fructuose excipi-  
as?*

*Ecce*



*Ecce ad manum affectus quospiam,  
quos hospiti tuo scio certe placituros.  
Sunt illi ita dispositi, ut his ad tenerri-  
mam tuam devotionem liberrime omnino  
uti valeas.*

## EXERCITIUM DEVOTIONIS

### ANTE CELEBRATIONEM.

**D**omine! nihil quidem mihi consci-  
us sum, nisi quod tibi, & ministro  
tuo in Sacramento pœnitentiæ jam  
confessus sum: attamen adhuc timeo,  
quia utrum amore an odio dignus  
sim, nescio. Idcirco confiteor tibi  
denuo culpam meam maximo, quo  
possum, doloris sensu, cujus tu me  
reum noscis, percutiendo pectus  
meum cum publicano: Deus pro-  
pitius esto mihi peccatori. Detestor  
omnia mea peccata super omne ma-  
lum cum intensissimo cordis mei do-  
lore solum ideo, quia his offendi Bo-  
nitatem

nitatem tuam infinite amabilem super  
omnia, o Deus meus & omnia!

SACERDOTIS CELEBRATURI  
INTENTIO.

Ad laudem, & gloriam Sacro-San-  
ctæ & adorandæ Trinitatis, in me-  
moriam vitæ, passionis, ac mortis  
Salvatoris mei, Jesu Christi, & in  
honorem Dominae meæ, Dei geni-  
tricis Mariæ; cœlestium Spirituum,  
& omnium Sanctorum, Sanctarum-  
que, beate cum Deo regnantium, ac  
signanter Sancti N. (*cujus memori-  
am hodie agimus*) cum omnibus An-  
gelorum & Sanctorum laudibus, ac  
meritis, offero tibi Deus meus, hoc  
præfens, & omnia alia sacrificia, o-  
rationes, & bona opera totius mun-  
di: pro meis præsentibus, & futu-  
ris animæ, & corporis necessitatibus;  
in remissionem peccatorum meorum,  
quorum

quorum veram semper contritionem habere intendo, conor, & cupio. Omnium præterea vivorum, & defunctorum; meorum Parentum, & Consanguineorum, Amicorum, Inimicorum, Benefactorum in spiritualibus, & temporalibus, ac illorum, quibus aliquando fueram gravamen, scandalum, & occasio peccandi; pro omni gradu Catholicæ Ecclesiæ, ac illius conservatione, augmento, & exaltatione; Christianorum Principum unione; hæresum extirpatione; Summi Pontificis salute, & animarum in purgatorio existentium liberatione; pro conversione omnium infidelium, pro mihi commissis, & commendatis.

Denique etiam pro omnibus, pro quibus orare soleo, & (quocunque demum titulo obstrictus) orare teneor.

Pro omnibus itidem, pro quibus Dominus noster Jesus Christus, ejusque

jusque Mater sanctissima me volunt  
orare, & sacrificare: Nec non ad in-  
dulgentiarum quarumcunque toto  
orbe obtinibilium certam, ac infalli-  
bilem consecutionem.

Ita volo & efficaciter, quantum  
ex parte mea est, sacrificium isthoc  
celebrare intendo, ac propono juxta  
intentionem S. Catholicæ Ecclesiæ,  
ego minister licet indignus: In no-  
mine Patris, & Filii & Spiritus Sancti.  
Amen.

Placeat tibi Domine hæc inten-  
tio mea & exaudi me. Per Christum  
Dominum nostrum.

SACRIFICII CELEBRANDI

DEVOTA OBLATIO.

Sacro-Sancta Trinitas unus Deus!  
divinæ Majestati tuæ sacrificium cor-  
poris, & sanguinis Domini nostri  
JESU Christi offero in unione illius a-  
moris, quo Filium Pater in mundum  
misisti,

misisti, & illius sacrificii, quod Filius in cena, & cruce obtulit. Desidero nunc illud implere, quod ipse instituit, & Ecclesia intendit pro gloria Dei.

Quia autem ego miser homuncio Spiritu egenus, & idoneis affectibus destitutus, atque etiam celebrandi munere longe indignissimus sum, idcirco offero tibi omnium Sanctorum & Electorum tuorum piissimos affectus, quos unquam elicuerunt, modo eliciunt, ac deinceps elicient; Omnes virtutum actus, quos in tremendo hoc mysterio decet exercere, obsecrans te per pretiosissimum sanguinem & mortem tuam, ut dimittas, quæ conscientia agnoscit, vel metuit, & adjicias, quod oratio non præsumit.

Per viscera misericordiæ tuæ te obtestor, ut tu idem hoc sacrificium, quod nunc ad æternum Majestatis tuæ cultum & honorem; in memoriam

riam, & venerationem amarissimæ  
 Passionis, & mortis tuæ omnibus vi-  
 ribus serio intendo, benigne suscipi-  
 as, ac Patri tuo æterno, quo ipse  
 offerens, & Oblatio factus es, in ea  
 virtute offeras, qua eidem moriens  
 in cruce Spiritum tuum tradidisti;  
 Item ut me, ac omne obsequium me-  
 um misericordissime respicias; mihi  
 hodie peccatorum meorum indul-  
 gentiam; Amicis, & Benefactoribus  
 (nominatim - his - - illisque) tuam  
 gratiam; agoni ultimo jam vel pro-  
 pinquis, vel proximis tuum divi-  
 num aobur, auxiliumque, fidelibus  
 defunctis (maxime - illis - - & istis)  
 æternam requiem; nobis denique  
 omnibus clementiam, vitamque lar-  
 giaris sempiternam.

Vere miser, & infirmus sum  
 Domine: sed miseros, scio, & clau-  
 dos quoque a cœna tua non rejicis;  
 verum insuper intrare compellis.  
 Omnes nos vis ad te venire, qui la-  
 boramus,



boramus, & onerati sumus; inde venio, & ampliori fiducia venio; dixisti enim: qui manducat hunc panem, vivet in æternum; atque adeo fiat ergo mihi hodie secundum verbum tuum Domine. Venio, qui non sum dignus, ut siam dignior; ut omnes meas iniquitates mergam in sanguine tuo, ut majus robur ac fortitudinem tentationibus resistendi acquiram; ut efficaciores gratias impetrem perfectionem statui meo competentem consequendi, tibi ad usque finem vitæ meæ fideliter absque ulla tui offensâ serviendi, ac tandem salutem æternam felicissime obtinendi; speciâtim autem, ut mihi, & cordi meo amorem tui dones; hanc virtutem (N.) illam gratiam (N.) conferre digneris,

Venio denique & supplex pro vivis, & defunctis, pro Parentibus, Amicis, & Inimicis meis, pro omnibus Superioribus, & Benefactoribus;

bus; pro omnibus, qui se precibus meis commendaverunt, tuam Misericordiam imploraturus.

Quod si tuo sacratissimo decreto adhuc hodie hoc mundo me decedere statutum est: tum hæc sacra Communio sit mihi in viaticum, sit in pignus gloriæ futuræ.

Veni ergo o! JESU in cor meum, ut totus in te liquefiam & tui amore totus consumer; in te enim vivere, & mori volo.

Veni amantissime JESU! & da mihi, ut sumendo corpus tuum sanctissimum tibi incendio amoris uniar, & in amore amoris tui moriar. Amen.

## INTENTIO SUCCINCTIOR

*Immediate ante celebrationem*

MISSAE.

Ego volo celebrare Missam, & conficere corpus, & sanguinem Domini

ni nostri Jesu Christi juxta ritum S. Romanæ Ecclesiæ ad laudem, & gloriam omnipotentis Dei, totiusque curiæ triumphantis, ad utilitatem meam, totiusque curiæ militantis. Pro omnibus, qui se commendaverunt orationibus meis in genere, & in specie, Pro felici statu S. Romanæ Ecclesiæ. Amen.

Domine Jesu! unio meam intentionem hodie cum intentione tua sanctissima, quam olim habuisti, dum in ultima cœna hoc sacrificium incruente dilectissimo Patri tuo obtulisti.

### EXERCITIUM

#### DEVOTIONIS POST MISSAM.

Inveni, quem diligit anima mea, tenui, nec dimittam te mi Jesu; amplector, & amoris mei gaudium obtineo; te cordis mei thesaurum

E

com-

comprehendo, in quo omnia possi-  
deo. Sentiat, obsecro, mens mea  
virtutem præsentiæ tuæ! gustet,  
quam suavis sis Domine, ut amore  
tui capta nil extra te quærat, nil di-  
ligat nisi propter te. Tu es Rex  
meus: ne obliviscaris inopiæ meæ,  
& tribulationis meæ! tu es Judex  
meus: parce peccatis meis, & mise-  
rere mei! tu es Medicus meus: sana  
omnes infirmitates meas! tu es Spon-  
sus animæ meæ: sponsa te mihi in  
sempiternum. Tu es Deus, & de-  
fensor meus: pone me juxta te, &  
cujusvis manus pugnet contra me.  
Tu victima pro me factus es, & ego  
sacrificabo tibi hostiam laudis. Tu  
Redemptor meus es: redime ani-  
mam meam de manu inferi, & salva  
me. Tu es Deus meus, & omnia!  
Quid enim mihi est in cælo? & a te  
quid volui super terram? Deus cor-  
dis mei, & pars mea: Deus in æter-  
num.

GRA-

# GRATIARUM ACTIO.

Consummatum est, o Domine Deus! opus remissivum meorum, & totius mundi peccatorum, sacrificium salvificum animarum nostrarum! laudetur igitur Sanctissimum Sacramentum; JESUS Christus, filius æterni Patris, verus Deus, & homo pro me olim natus, passus, crucifixus, mortuus; nunc autem sub speciebus panis, & vini in cor meum impressus, quem non equidem fallibilibus, & infirmis sensibus meis comprehensum, sed infallibili vivæ fidei lumine agnitum pro tanta dignatione, & amore incessanter laudo, infinites adoro, desideratissime benedico, ardentissime super omnia amo. Sit tibi Domine pro hoc summo beneficio a me & ab omnibus creaturis (imo quia hæc non sufficiunt,) a tuamet ipsa infinita Perfectione æterna benedictio, claritas, gratiarum actio, honor, virtus, & fortitudo in sæcula sæculorum. Amen

## ALIA

*piissimis affectibus plena*

## GRATIARUM ACTIO.

Ad infinitudinem tui erga me amoris, Domine Deus! confunduntur inferi, terrentur cœli, obstupeſcunt Angeli, & anima mea præ venerati-  
one ejusdem tota deficit, quid enim est, o amabiliſſime JESU! quod me tanto amoris impetû quæras, ut te ipſum in me deperdas? quod me tibi tantopere conjungi concupiſcas, & etiam cibus meus quotidianus fias? vere non facis taliter aliis nationibus, imo perpaucis tantum tuis fidelibus.

Te dando, Domine Deus meus! dedisti mihi jam omnia; propterea diſſipiunt mihi nunc res cæteræ, quas tantum ſomnia eſſe experior.

O! Pater cæleſtis! Pater miſericordiarum clementiſſime! quid tibi rependam, qui ſic mundum dilexiſti,



sti, ut Filium tuum unigenitum da-  
res! qui non tantum vitam pro salu-  
te nostra, sed & se ipsum in cibum  
animarum nostrarum tam benignus,  
tam liberalis offerret?

En hunc, quem tuo beneficio  
nunc suscepi, hunc ipsum Filium tu-  
um dilectum, & una cum hoc me  
quoque totum (ah! patere vel mini-  
mum saltem aliquid gratitudinis meæ  
obstrictæ testimonium) tibi confiden-  
tissime offero.

Respice, quæso, non in me mi-  
serum, sed in faciem Christi tui!  
confidera in Filio, quod te moveat:  
miserere servi! & dum illius tibi pa-  
tent vulnera, mea, oro, tegantur  
scelera!

En sanguis Filii tui hujus cla-  
mat ad te de altari; utique non vin-  
dictam, sed veniam: parce Domine;  
parce populo tuo!

Effunde misericordiam in gen-  
tes, quæ te non noverunt, & illumi-

na corda illorum, ut te cognoscant,  
& ament.

Dissipa consilia impiorum, ne  
regno tuo officiant, & propagationi  
gloriæ tuæ!

Da summo Pontifici, Prælati,  
ordinibus Ecclesiasticis, ac omnibus  
religiosis tui amorem, ut suo officio  
rite fungantur.

Imperatori, Regibus, Principi-  
bus, cunctisque Magistratibus sapi-  
entiam, qua justitiam fideliter admi-  
nistrent, pacemque sequantur; ac  
populo tuo benedictionem.

Tribue mihi famulo tuo ferven-  
tem in tuo servitio cum emendatio-  
ne vitæ constantiam, ad meam, &  
proximorum salutem.

Desiderium famuli tui (N.) in  
nota ejus causa adimple.

Afflictos solare! captivos libe-  
ra! Pauperes adjuva! bellantes con-  
tra infideles conforta! peccatoribus  
veniam! inimicis meis tuam charita-  
tem,

tem, ac dulcedinem! Amicis, Benefactoribus, & Consanguineis meis tuam dilectionem! Agonizantes, & omnes in purgatorio detentas animas salva! infideles converte! Ecclesiam tuam auge, & pacifica! & omnibus in te confidentibus felicem mortem, ac vitam æternam concede! sic te, Pater cœlestis, æterne Deus! per hunc ipsum Filium tuum, quem nunc in Sanctissimo Altaris Sacramento sub vini, & panis specie indignus suscepi, meoque sub corde adhuc clausum teneo, iterum iterumque ardentissime oro, & obtestor.

## AFFECTUS SELECTION

### AD B. V. MARIAM

*Post celebratum Missæ Sacrificium.*

O dignissima salutis nostræ Reparatrix Sanctissima Virgo Maria! ecce quam magna fecit mihi dilectissimus

inus Filius tuus, Dominus Deus meus, qui potens est, & sanctum nomen ejus! exaltavit enim humilitatem meam infimam ad altissimam sacerdotalem dignitatem in hac lacrymarum valle. Fecit potentiam in brachio suo: Se mihi de altissimo folio gloriæ suæ, in manus, in cor meum detrahendo; esurientem implevit bonis pretiosissimi corporis, & sanguinis sui; vere recordatus misericordiæ suæ, quæ est a progenie in progeniem; verum hæc omnia non meis, sed tuis solis ineffabilibus meritis o Mediatrix nostra! o Advocata nostra!

Obsecro ergo per summam excellentiam prærogativarum tuarum, qua super omnes Angelos exaltaris! per ineffabilem dulcedinem tuæ summæ beatitudinis, ut, sicut tu post Annuntiationem, Conceptionem, & Nativitatem Filii tui dilectissimi in excellentissima gratiarum actione incessan-

cessanter tota profundebaris, ita etiam nunc pro adventu Filii tui ad me, beatissima anima tua mei loco Dominum magnificet, ut & spiritus meus in hoc Sanctissimæ Trinitati acceptissimo gratitudinis supplemento exulter, sicut tuus exultavit in Deo salutari tuo.

Impetra etiam mihi Domina, ut hoc refectus epulo deinceps nihil, quod carnem, & mundum sapit, esuriam, sed suggestionibus inimici semper victoriosè resistam! vitia mihi familiaria, & omnia alia eradicem, in virtutis studio debite proficiam, & officio meo exacte satisfaciam.

Commendo tibi insuper omnes meas, & meorum amicorum spirituales juxta, atque corporales necessitates! adjuva nos Domina! maxime ut in bono finali perseverantes, in hora mortis animas nostras per potentissimam interventionem tuam æternum salvemus. Amen

E 5 ORA-

## ORATIO

PRO

### LUCRANDIS INDULGENTIIS.

Unum adhuc ad pedes tuos obsecro, dulcissime JESU, ut, qui hodie per virtutem Sacramenti remissionem delictorum meorum (prouti credo, & spero) quoad culpam confecturus sum, per eandem gratiam, & infinita merita pretiosissimi sanguinis tui etiam indulgentiam obtinere merear quoad pœnam temporalem, sive in hac, sive in altera vita adhuc subeundam. Offero tibi proinde in plenam satisfactionem omnes actiones meas, & bona opera in unione meritorum tuorum usque ad ultimum vitæ meæ halitum exercenda! hac intentione etiam mortem ipsam & agonem meum corde humiliato, & contrito subire intendo. Cupio etiam me participem reddere omnium indulgentiarum,



rum, quas ex quocunque demum titulo, hodie, & universim lucrari possum. Ex hoc infinito Thesauro meritorum tuorum o JESU! tantum accipio, ac tibi offero, quantum adhuc tibi teneor. Omnes reliquas indulgentias volo applicatas permodum suffragii animabus purgatorii, pro quibus tu vis, & ego suffragari teneor: pro Parentibus, Superioribus, Fratribus, & Sororibus meis; pro illis autem speciatim, qui se precibus meis commendarunt. Placeat tibi Domine hoc desiderium meum, & miserere mei. *Post hoc orantur 5. Pater, & Ave ad intentionem S. Matris Ecclesiæ.*

PRO

# NECESSITATIBUS PUBLICIS.

Pater misericordiarum, & totius consolationis! ad te nos misereri pec-

E 6

cato-

catores in angustiis, & necessitatibus nostris corde contrito, & humiliato confugimus; tuis multis miserationibus confidentes ad thronum gratiae, & bonitatis tuæ humillime procumbimus, deprecando per JESUM Christum Filium tuum, per ipsius, & omnium sanctorum merita, ut avertas iram a nobis, & ne des hæreditatem tuam in opprobrium. Moveat te, quæsumus, amor ille, qui te movit, ut Filium tuum unigenitum nobis redimendis totum impenderes.

Vide afflictionem populi tui: considera inenarrabilem multitudinem miseriarum, concupiscentiarum, infirmitatum, injuriarum, ærumnarum corporis, & animæ, quibus undique Filii tui, & creaturæ tuæ misere colluctamur, & perimus. Novimus Domine, quod, nisi tu nobis succurras, nemo sit, qui nos e tantis periculis liberare possit. Leva ergo manus tuas in superbias eorum, qui  
super

super populum tuum malignaverunt  
consilium. Ecclesiam tuam contra  
quascunque infestationes corrobora!  
da omnibus Christianis Principibus  
veram & sinceram inter se concordi-  
am, ut pro Ecclesiæ sanctæ tuæ ex-  
altatione, & Nominis tui gloria to-  
tam Rempublicam Christianam de-  
fendant. Dissipa gentes, quæ bella  
volunt, hostilesque conatus in nihi-  
lum redige, ut ab omnibus calamita-  
tibus, bellorumque molestis liberi,  
in protectionis tuæ securitate consti-  
tuti sine timore de manu inimicorum  
nostrorum liberati serviamus tibi in  
sanctitate, & justitia omnibus diebus  
nostris. Amen.

---

FORMULAE VARIAE  
SALUTANDI SANCTISSIMUM  
SACRAMENTUM.

L.

Ave, O dulcissime JESU, Fili Dei,  
& Mariæ Virginis! Te Dominum  
meum, & Deum meum hic præsen-  
tem cum vera fide, & fiducia omni-  
um creaturarum possibili affectu de-  
votissime adoro, laudo & glorifico;  
atque etiam amore ardentissimo com-  
plector. Ah! quam parum amavi,  
& glorificavi te hactenus, qui tamen  
infinito honore, & amore nunquam  
non dignissimus eras! O JESU! Deus  
cordis mei infinite amabilis! totus  
desiderabilis! esto mihi JESUS, nunc,  
& in hora mortis meæ. Intra melli-  
fluum Cor tuum absconde me! ne  
æternum separer a te.

Te

Te fruar in vita solatio! in morte  
viatico! post mortem præmio!

Id unum a te peto per lacrymas,  
per sudorem, per sanguinem tuum  
O JESU! esto mihi JESUS! & salva  
me.

## AFFECTUS

### S. THOMAE AQUINATIS.

Adoro te devote latens Deitas:

Quæ sub his figuris vere latitas,

Tibi se cor meum totum subji-  
cit,

Quia te contemplans totum de-  
ficit.

Plagas sicut Thomas non intueor  
Deum tamen meum te confiteor.

Fac me tibi semper magis crede-  
re,

In te spem habere, te diligere.

FORMULA II.

**O** JESU! Deus cordis mei! spes mea,  
 amor meus & omnia! monstra, ah  
 monstra, quaeso, nunc, & in hora  
 mortis meae te esse meum protectione  
 Advocatum, dignatione Fratrem:  
 commiseratione Patrem: dilectione  
 Sponsum: salvatione JESUM! fac: ut  
 sicut tu olim in vita, & in morte Pa-  
 tris tui, ita & ego vivens & mori-  
 ens tuum beneplacitum sanctissimum  
 semper perfectissime exequar! te pa-  
 ne Angelorum perfecta fide, spe, &  
 charitate (præprimis sub adventum  
 mortis meae) ita fruam in terris, ut  
 subinde, cum apparuerit gloria tua,  
 eodem etiam satiari merear in caelis.

AFFECTUS

S. THOMAE AQUINATIS.

**O** Memoriale mortis Domini!  
 Panis vive, vitam præstans homi-  
 ni!



Præsta meæ menti de te vivere,  
 Et te semper illi dulce sapere!  
 Pie Pelicane JESU Domine,  
 Me immundum munda tuo sanguine,  
 Cujus una stilla saluum facere  
 Totum mundum quit ab omni  
 scelere.

FORMULA III.

Adoro te in profundo mei nihili Domine, & Deus meus, & quidem in unione illius adorationis, qua humanitas tua adoravit divinitatem, cum affectu totius universitatis triumphantis & militantis Ecclesiæ. Sanctus! Sanctus! Sanctus Dominus Deus Sabaoth: pleni sunt cæli, & terra Majestatis gloriæ tuæ. Deus sanctus! Deus fortis! Deus immortalis miserere nobis. Et hoc ipsum toties, quoties genua mea coram te flectam

flectam, vel tui adhuc recordabor in  
 vita mea; imo: quoties possibile, &  
 cogitabile est; singulis etiam mo-  
 mentis temporis, & æternitatis om-  
 ni meliori affectu & desiderio iterari,  
 ac multipliceri cupio. Credo, quod  
 hic in sanctissimo Sacramento reali-  
 ter præsens sis. Utinam omnis terra  
 adoret te, & psallat tibi! in te spero;  
 fac de me, quod vis, nam scio,  
 quod hominum amator sis! te etiam  
 super omnia amo; & ex hoc purissi-  
 mo tui amore doleo, quod te unquam  
 offenderim. ~~Averte faciem tuam a~~  
~~peccatis meis, & omnes iniquitates~~  
 meas dele!

O JESU! quem velatum hic aspicio,  
 Oro, fiat illud, quod tam sitio,  
 Ut te revelata cernens facie,  
 Visu sim beatus tuæ gloriæ.  
 Amen.

ORA-

## ORATIO SACERDOTIS.

Gratias tibi ago infinitas Clementissime Deus, quod me indignum ad statum Sacerdotalem vocaveris. Fac, ut huic statui & vocationi meæ etiam debita observantia & moribus congruis assidue correspondeam, obligationi tantæ nunquam non ex officio meo plene satisfaciam; altari tuo semper mundo corde assistam, salutis animarum lucrandarum, bono præprimis exemplo, zelosus intendam, humano respectu, nugis, curisque sæcularibus postpositis soli tibi placere studeam. Confido enim in tuam paternam Providentiam, quod, si te secutus fuero, sine baculo licet, & sine pera, tua gratia nihil unquam mihi sit defuturum.

RENO.

## RENOVATIO VOTORUM

*a Sacerdote, qui his obstrictus est, ante  
vel post celebrationem usurpanda.*

Deus, cui servire, regnare est; ego  
N. me tibi in servum perpetuum  
sponte subjicio. Si enim nondum  
per vota mea religiosa Majestati tuæ  
essem obstrictus, hoc momento me  
obstringi vellem; ac proinde ea nunc  
renovo, & omnia tibi serviendi desi-  
deria, omni solemnitate, & meliori  
modo, sicut scis, & vis, propter te  
solummodo, & ut tibi placeam. His  
itaque me tibi totum quantum con-  
secro: & quidem in unione illius sa-  
crificii, quo unigenitus tuus JESUS  
Christus ab instanti conceptionis suæ  
usque ad mortem crucis iterato se  
obtulit in holocaustum. Tibi omni-  
potenti Deo, in præsentia totius cæ-  
lestis Curiae, seriam conversionem  
morum meorum, voluntariam PAU-  
PERTATEM CASTITATEM, & OBEDI-  
ENTIAM

ENTIAM perpetuam voveo; imo toties renovatam hanc feriam voluntatem meam volo, quoties adhuc respiravero. Quia autem sine te nihil possum, fac: ut hæc pia desideria de tua miseratione concepta, nulla amplius possint tentatione mutari; & quod tibi toties promisi, te etiam donante incessanter impleam. Amen.

## EXERCITIUM

### VESPERTINUM.

*Tempus somni fere medium vitæ nostræ est; quod si male collocamus, bone Deus! quantam jacturam & gloriæ, & meritorum facimus!*

*Si somnum non bene impendo: in quo, obsecro, differam a bruto? certe nescio, an crastinum diem assecuturus sim: ergo saltem in tempore opportuno domui meæ disponam, cum lectulum meum velut sepulchrum, ingrediar.*

PRA-

## PRÆXIS

*Pie, & decenter decumbendi.*

- I. Instituenda gratiarum actio pro custodia diei.
- II. Offerendus somnus in unione somni & respirationis Christi.
- III. Petenda Benedictio a Patre, & Matre misericordiarum.
- IV. Protestatio facienda contra nocturnos hostium insultus.
- V. Renovanda vota (si homo religiosus es) formula itidem sodalitatis tanquam a Sodali B. Virginis Mariæ; & symbolum fidei tanquam a bono Catholico.
- VI. Nunquam concedendum cubitum, nisi prius conscientia examine generali & intensissimæ contritionis affectibus perfecte emundata.

Actus ejusmodi complures inveniuntur supra, ubi de præparatione ad sacram confessionem tractatum.



## PIA INTENTIO VESPERTINA.

Dulcissime Domine JESU Christe! in  
 unione tuarum sanctarum respirati-  
 onum, & somni tui sacratissimi tibi  
 somnum meum offero, cui nolo in-  
 dulgere ob voluptatem, aut propriæ  
 sensualitatis inclinationem, sed ob  
 naturæ necessitatem, divinæque tuæ  
 voluntatis inclinationem.

Offero tibi item omnes respira-  
 tiones meas, ac vehementer deside-  
 ro: singulis respirationibus non mi-  
 nus in somno laudare, & amare te  
 Dominum meum, & Deum meum,  
 ut dicere possim cum veritate: Ego  
 dormio? cor autem meum vigilat.  
 Dignare igitur Domine JESU cum Pa-  
 tre & Spiritu S. mihi tuam dare san-  
 ctissimam benedictionem, uberemque  
 gratiam largiri tecum semper vigi-  
 landi, & corpore quiescendi in pace,  
 quia ego me totum simili plane af-  
 fectu

fectu in manus tuas sacratissimas commendo, quo quondam Beatissima Mater tua se tibi, & tu æterno Patri tuo te moriens commendasti.

Dignare Domine nocte ista sine peccato me custodire: Miserere mei Deus secundum magnam misericordiam tuam. Pax Domini nostri JESU Christi, & virtus sacratissimæ Passionis ejus: signum S. Crucis, & titulus triumphalis: JESUS NAZARENUS REX JUDEORUM, integritas quoque B. V. Mariæ: custodia SS. Angelorum, suffragia omnium Electorum sint inter me, & omnes inimicos meos.

O cor JESU dulcissimum! tibi commendo hac nocte cor meum, ut in te dulciter quiescat; & quoniam ego obdormiturus Deum aliter laudare nequeo, hoc tuum, mi JESU, suavissimum Cor totum supplere dignetur.

JESU,

JESU, MARIA, JOSEPH,

Vobis dono cor, vobis dono animam meam.

PETITIO  
BENEDICTIONIS

A. B. V. M.

Fja mea anima! prosterne te ad pedes Matris tuæ, Mariæ, nec ante recede, quam illa tibi benedixerit! O Benedicta a Deo, & omnibus benedictionibus cumulata! Benedic pro tua clementia, & pietate afflictæ animæ meæ, uberemque gratiam mihi a dilectissimo Filio tuo impetra ita ipsi, tibi que hic in terra serviendi, ut æternæ gloriæ subinde particeps efficiar.

Nos cum prole pia benedicat  
Virgo Maria.

F. PRO-

## PROTESTATIO VESPERTINA.

**P**rotestor coram Divina Mejestate tua, o Deus cordis mei! & coram Curia cælesti universa me ex hoc momento omnia detestari indecentia somnia, quidquid vel umbram impuritatis olere potest.

Oro, optoque toties sanctissimis desideriis in te Deum meum rapi, quoties fuero impugnatus; vellemque potius mori morte acerbissima, quam sciens, & volens in unicam (etiam præcise levissimam) divinæ tuæ Bonitatis offensam consentire.

## AFFECTUS

### ULTIMUS

### ANTE SOMNUM.

**P**iissime JESU! fac me requiescere super pectus tuum! da mihi trahere anhelitum de sacro, & mellifluo corde

de tuo! Da: ut singulæ respiratio-  
nes meæ hac nocte tibi laudem, &  
honorem exhibeant; & ut amem te,  
ut glorificem te. in æternum.

In manus tuas Domine com-  
mendo spiritum meum.

In pace in id ipsum dormiam,  
& requiescam.

#### PRO DEFUNCTIS.

Psalmus: De profundis clama-  
vi ad te &c.

#### ORATIO.

Miserere piissime JESU! & respice de  
sede magnitudinis tuæ ad miseras ani-  
mas in purgatorio detentas, quia ti-  
bi proprium est misereri semper &  
parcere! miserere gemitum,  
miserere precum, quas illæ  
ad te fundunt! respice, imo  
& exaudi pretiosum sanguinem tu-  
um,

um, pro his ad te clamantem, &  
condona eis pœnas peccatis ipsarum  
debitas.

V. A porta inferi

R. Erue Domine animas eorum.

### ORATIO.

Absolve, quæsumus, Domine ani-  
mas famulorum, famularumque tua-  
rum, ut, defuncti sæculo, tibi vi-  
vant, & quæ per fragilitatem carnis,  
humana conversatione, commise-  
runt, tu venia piissimæ misericordiæ  
tuæ clementer absterge, per Domi-  
num nostrum. JESUM Christum &c.

Requiescant in lumine Viventi-  
um, Videntium, & Amantium te in  
æternum, Amen.

DE-



# DEVOTIO MISCELLANEA

COLLECTIO PRÆFATIONUM SEPTUAGINTA

## PRECES VARIÆ

Variorum SS. Patronorum honori  
dedicatae.

## REFLEXIO.

*Homines fuerunt SS. Patronitui, æque  
ac tu, tentationibus carnis, mundi, &  
Sathanae expositi (sola Beatissima Dei  
Matre excepta, quæ utpote peccati om-  
nis nescia, ab his immunis esse debebat)  
dicere poterant illi cum Psalte Regio Ps.  
136. v. 9 Inimici mei animam meam  
circumdederunt: Et tamen de carne,  
mundo, & Sathana gloriose triumpharunt.  
Nunquid posses & tu? & si  
non feceris, quæ tibi spes erit eorum  
patrocinio gaudendi?*

# AFFECTUS

## TENERRIMAE DEVOTIONIS AD B. V. MARIAM.

Gloriosissima Angelorum Regina:  
mundi Domina! Verbi incarnati Ma-  
ter, & peccatorum Advocata miseri-  
cordissima! ecce! ego indignissimus  
filius, humillimus cliens & subjectis-  
simus servus tuus ante pedes tuos  
prostratus, affectu filiali, clientelari,  
& quovis alio, quo possum, actene-  
or, tibi omnem honorem, & glori-  
am, qua prae omnibus creaturis sin-  
gulariter conspicuam divinus Filius  
tuus te fecit, tum meo, tum totius  
universi nomine animitus gratulor,  
gaudeoque ex totis visceribus, quod  
sicut es verissima Dei Mater, ita eti-  
am sis verissima Thesauraria amoris,  
& Gratiae Dei, potens amicum Dei  
facere, quem vis; potensque ejus  
gratia ditare, ac in amore divino fir-  
mare, confirmareque, quem diligis.

Diligo

Diligo te pretiosissima Domina ex toto corde, ex tota mente, & ex tota anima mea super omne illud, quod Deus non est, te plus æstimo, & appretio, quam cætera creata omnia, quippe quam solam Deo secundam, & uno solo Deo minorem agnosco, confiteor & veneror.

Trado me tibi in conspectu Sanctissimæ Trinitatis, Filii tui dilectissimi, Domini nostri Jesu Christi in perpetuum mancipium tanquam absolutæ meæ Dominae.

Trado me tibi in Filium, tanquam amantissimæ meæ Matri.

Trado me tibi in hæredem, tanquam optatissimæ meæ Hereditati.

Trado me demum tibi in clientem, tanquam Patronæ, ac Advocatæ fidelissimæ, & efficacissimæ.

Tu ergo o dignissima Dei Hominis Parens Maria! cælorum Imperatrix, & Angelorum Regina, esto mihi semper propitia Domina! be-

nigna Mater: gratiosa Hæres; lo-  
cuples Hæreditas; prompta Patrona,  
ac in omnibus meis necessitatibus ef-  
ficax Advocata.

Impetra mihi a Deo efficaci in-  
terventu tuo, omnes illas dotes, vir-  
tutes, & gratias, quas ad procuran-  
dam tum meæ, tum aliarum quoque  
animarum salutem, majoremque Dei  
gloriam ex Debito meo promoven-  
dam Filius tuus divinus inopiæ meæ  
necessarias, efficacesque novit.

Exora mihi ab amantissimo Fi-  
llo tuo certam a subitanea, & improvi-  
sa mala morte præservationem! seri-  
am vitæ emendationem; & in bono  
opere perseverantiam; fac, oro, tu-  
is apud Deum precibus, ut ad fideli-  
ter, & constanter illi in statu meæ  
vocationis sancte serviendum, vires  
ipse meas confortet, robur augeat,  
corporis sanitatem plenam, & inte-  
gram conserve.

Noli,

Noli, quæso, oculos in præteritam meam negligentiam & ingratitude, quam ex animo detestor, conjicere! sed ignosce, quidquid in debito tibi cultu, honore, & amore prætermisi, ex nunc enim omnia, quæ ex Dei liberalitate possideo, tibi dico, & dedico, ac Filii tui, & tuæ impendenda gloriæ consecro.

Tu, o Sanctissima, & amantissima Mater mea, Regina, Domina, & Advocata! fac, ut, potes, & ego confido, votorum meorum me reum, ut novis famulatui tuo obstrictus vinculis æternum tibi vivere cogar mancipatus.

Ita iterum, iterumque tibi Domina, & Patrona amantissima per quidquid unquam tibi charum fuit, supplico, & emorior æternum tibi devotus. Amen.

AD S. JOSEPHUM  
MORIENTIUM PATRONUM.

Antiphona. Salve Patriarcharum decus, & Ecclesiæ S. Dei Oeconomie, qui Panem vitæ & Frumentum Electorum conservasti.

V. Ora pro nobis castissime Joseph.

R. Ut digni efficiamur promissionibus Christi.

ORATIO.

Sanctissime Joseph, Mariæ Matris Dei, & Virginis Sponse; periclitantium, & agonizantium Patrone, & Advocate potentissime! Ego te hodie coram Jesu, & Maria Sponsa tua in Dominum, Patronum & Advocatum pro tota vita, ac vel maxime etiam pro morte mea, eligo. Suscipe me, oro, in servum tuum, &  
Mariæ



Mariæ Sponsæ tuæ in perpetuam protectionem commenda; adsis mihi in omnibus actionibus meis, quas omnes in perpetuum offero ad maiorem JESU, Mariæ, & tuam gloriam.

Succurre mihi, o sancte Pater cum JESU, & Mariâ, tunc potissimum, quando mors vitæ meæ finem imponet, illudque, quod unice peto, solatium mihi impetra, ut in iisdem sanctissimis Jesu, & Mariæ, brachiis, in quibus olim tu occubuisti, feliciter expirem.

In manus vestras vivens, & moriens commendo animam meam.  
JESU, MARIA, JOSEPH.

## AD S. XAVERIUM.

### ANIMARUM SALUTIS SITIENTISSIMUM.

O Inviète Christi Athleta! gloriosissime novi orbis Thaumaturge, &  
F 6                      Apostole

Apostole S. Franciscæ Xaveri! tibi ego cliens tuus minimus filiali cordis teneritudine de magna tua gloria, qua frueris in cælo, sincerissime gratulor; At una simul te, Patronum & Tutelarem meum singulariter Electum omni, quo possum, affectu devotissime invoco. Ne despice, oro, preces indigni servi tui ad te toto corde suspirantis, & paternam protectionem filiali fiducia confidentissime implorantis. Ah! suscipe, precor, Pater amantissime, hoc præsens filiale obsequium meum. Impetra mihi veram heroicarum virtutum tuarum sequelam, integram mei notitiam, & animi demissionam, magnanimum Spiritum ad promovendam proximorum salutem, & Dei gloriam; Seraphicum Numinis amorem; rerum temporalium contemptum; constans cælestium desiderium, ut exemplis tuis incitatus fructuose in vinea Domini laborando

do promissam operariis mercedem  
nanciscar in cœlis. Hoc ego per  
Christi vulnera, per sacratissimam  
Dei Filii Passionem iterum, iterumque  
oro, & obtestor Pater, & Patro-  
ne mi sanctissime Xaveri! hoc mihi  
apud Deum precibus tuis impetra!  
Amen.

## AD S. DISMAM

### AGONIZANTIUM PECCATORUM PATRONUM.

Antiph. Dixit latro ad Jesum:  
Domine, memento mei, cum vene-  
ris in regnum tuum. Et dixit illi  
Jesús: Amen dico tibi: hodie mecum  
eris in Paradiso. Lucæ 23.

V. Ora pro nobis S. Disma.

R. Ut digni efficiamur &c.

### ORATIO.

Misericordissime Jesu, qui pendens  
in ligno Crucis infinitæ tuæ miseri-

F 7

cordiæ

cordiæ ineffabile specimen in conversione S. Dismæ latronis ostendisti, per sanguinem tuum pretiosissimum pro me in cruce effusum obsecro te, misericordissime JESU: concede mihi ingratisimo peccatori efficacem tuam gratiam, ut peccata mea contritus deslere, te toto corde amare, & in hora mortis meæ a te audire merear: *Hodie mecum eris in Paradiso. Amen.*

AD S. BARBARAM  
PATRONAM SINGULAREM MORIENTIUM.

Fatalis o agonis  
Patrona Barbara!  
Cœlestibus coronis  
Gemmisque fulgida,  
Me terret imminente  
Mors certa spiculo;

Sed

Sed Virgo; te favente  
 Absum periculo.  
 Te sentiunt Patronam  
 Quos morbus obruit.  
 Et sublevare pronam,  
 Quos cura deserit.  
 Angore cum supremo,  
 Me morbus opprimet,  
 Succurre, quando nemo  
 Levamen adferet.

V. Ora pro nobis S. V. & Martyr.  
 Barbara.

R. Ut nobis sit felix ultima mortis  
 hora.

ORATIO.

O Singulare morientium solatium  
 S. Barbara! cui præ reliquis Sanctis  
 hæc a Deo gratia miseris in agone  
 subveniendi concessa est; ora pro me,  
 ut non nisi morientium Sacramentis  
 rite munitus ex hac vita migrare,  
 &

& Deum meum, quem nunc duntaxat sub velamine specierum in Sanctissima Eucharistia vere, & realiter præsentem credo, subinde de facie ad faciem tota æternitate felicissime una tecum contemplari merear. Per Christum Dominum Nostrum.

## MEDITATIONES VII.

In totidem hebdomadæ dies tribuæ.

*Pro spiritus recollectione*

VIRO SACERDOTI,

Præsertim ad Curam Animarum Vocato perquam utiles.

*Prænotandum 1. Ante quamlibet meditationem præmittenda est oratio præparatoria: per quam petenda a Deo gratia, ut debite meditationem instituamus, prosequamur, & finiamus; quæ sequens, vel similis esse potest:*

Di-



Dignissime Deus, qui mihi hanc horam te laudandi, & tecum agendi concedis, da mihi gratiam efficacem, ut vires meæ omnes, ac præsertim hæc meditatio, cum omnibus potentiis meis ad gloriam tuam, & fructum animæ meæ quam optime cedant.

*Prænotandum II. Duo in quavis meditatione præmittenda sunt præludia. Primum sit: se statuere in conspectu Dei; secundum: petere gratiam agnoscendi veritatem materiæ considerandæ.*

## MEDITATIO I.

De Fine, & Dignitate status sacerdotalis.

*Punctum I.* Considera, in quem finem status sacerdotalis sit institutus? nimirum: ut vir Apostolicus verbo, exemplo, & doctrina pascat cæterum populum, uberemque fructum animarum faciat. Sic enim di-

cio

cir Christus Joan. 15. *Ego elegi vos, & posui vos, ut eatis, & fructum afferatis & fructus vester maneat.* Bene perpendendum hic: quis? quos? unde? & ad quid elegerit? Deus nempe, nullius indigus, sibi soli sufficiens, elegit te Sacerdos Apostolice; elegit ex tot millibus; elegit ex pura liberalitate, misericordia &c. elegit, & pascit te in ecclesia, ut es- ses de electis ejus, & legatione fungere- ris in iis. quæ sunt ad Deum. O quantum Beneficium! admirare, & exclama: Quid retribuam Domino pro omnibus, quæ retribuit mihi? Quid pro hoc eximio beneficio? re- fer, quas potes, gratias, & affectus spiritu plenos elice cum firmo pro- posito vivendi secundum status, & vocctionis tuæ obligationem.

*II. Perpende, quam sublimis sit hic finis, & vocatio ad statum sacer- dotalem? talis enim est, qualem ipse Dei*

Dei Filius habuit, dum in terris versatus est, & ex prædictis verbis: *Ego elegi vos, ut eatis, & fructum afferatis*, elegit te Deus vir Apostolicæ! Sacerdos Dei! ut eas, non ut stes in via vitæ communis, sed ut eas de perfectione in perfectionem, de virtute in virtutem, de die in diem ad maiorem cum Deo conjunctionem. Nam Sacerdos eligitur a Deo tanquam singularis amicus; & transfertur in gremium Ecclesiæ; ut in ea Deo ministrando fructum faciat animarum cælo inferendarum. Ad gloriosum vero hunc finem consequendum opus est, ut ejusmodi sint ei in virtute, & labore similes, quos elegit, ut sint in honore pares; *Elegi vos de mundo, ut de mundo non sitis, sicut & ego de mundo non sum. Joan. 17.* A mundi igitur negotiis abstractos vult esse Dominus, quos elegit ad vitæ normam Apostolicæ. Fiat hic examen: quam conformiter hactenus pro hoc fine asse-

assequendo vixeris? & affectus  
secundum rei exigentiam competen-  
tes elice.

*III.* Consideranda dignitas sa-  
cerdotalis, quæ regiae non solum par,  
sed multo major est. Nam potestas  
Regia Regnorum limitibus constri-  
cta; sacerdotalis nullis terræ termi-  
nis definita; brevis, ac dubius do-  
minatus regius: Sacerdotis autem  
character, & potestas sempiterna.  
Jam bene ergo perpendendum, quod,  
sicut ingens est dignitas sacerdotalis,  
ita magna quoque sit obligatio sacer-  
dotis, vivere juxta statum suum.  
Nam: non bene conveniunt, nec in  
una sede morantur Majestas sacer-  
dotalis, & vita trivialis. Fiat Exa-  
men, & eliciantur affectus confor-  
mes: deprecationis; gratiarum acti-  
onis &c.

## MEDITATIO II.

De solerti cura vitandi omne peccatum a viro Sacerdote

*Punctum I.* Consideranda obligatio, quæ sacerdoti incumbit, ut longe remotus sit ab omni peccato; scilicet ratione suscepti ordinis sacri, & officii; rationi enim omnino congruum est, ut sancta sancte tractentur; quæ autem functiones, quam administratio Sacramentorum, propria sacerdotibus? Levit. 21. dicitur: *Homò de semine Aaron* (Hoc est Ecclesiæ minister) *qui habuerit maculam, non offerat hostias Deo suo, aut accedat ad ministerium ejus.* Considerandum hic, quam æqua hæc sit monitio, & tanto accuratius esse servandam, quanto sublimius sacrificium est Corpus Domini arietibus & tauris olim in holocaustis offerri solitis. Expendamus: quæ mysteria tractanda suscepimus, & num quibusdam maculis contra-

III *etis*

ctis indignos nos fecerimus? Doleamus de admissis hactenus; proponamus seriam emendationem in futurum.

*II* Sacerdos quilibet obligatur etiam ratione proximi omnia peccata diligenter cavere, ne eidem fiat scandalo: *Væ enim homini* (sed vel maxime sacerdoti) *per quem scandalum venit!* Talis profecto sibi, & Ecclesiæ sanctæ probro est: Populo offensionem; plus destruit pravis suis moribus, quam ædificet fervidis etiam concionibus &c. Examinemus nos, & si hactenus proximo non scandalio, sed ædificationi tam verbis, quam factis viximus: agamus Deo immensas gratias, & ejus auxilium pro ulteriori constantia enixe imploremus; si nos aliquando ab hac veritate deflexisse deprehenderimus; dolore serio malitiam nostram detestemur: Deo deprecemur; & emendationem efficacem proponamus.

*III.*



*III. Expendamus 3tio. Quod sacerdos obligetur vitare omne peccatum vi professionis suæ, qua renuntians sæculo se addixit Ecclesiæ, mundi Vanitates, sæcularia desideria, cupiditatesque relinquens: hoc enim palam coram Deo, & Angelis, hominibusque profitetur vi professionis, & status sui. Quare: si aliud egerit, tanto gravius delinquit, quanto amplius ad bene vivendum obstrictus est. Si enim (bene S. Petrus Epist. 2. cap: 2.) *refugientes coinquinationes mundi in cognitione Domini nostri, & Salvatoris Jesu Christi, his rursum implicati superantur, facta sunt illis posteriora deteriora prioribus; melius enim illis erat; non cognoscere viam Justitiæ, quam post agnitionem retrorsum converti ab eo, quod illis traditum est, sancto mandato. Eliciantur affectus ut in punctis præcedentibus.**

## MEDITATIO III.

De gravi Iudicio Dei Sacerdoti improbo imminente.

*Punctum I.* Considera, quam tremendum iudicium, & damnatio viro sacerdoti immineat, nisi commissum sibi munus in Ecclesia, ut par est, exequatur; veniet enim tempus, quando dicetur: *Redde rationem vili- cationis tuæ*: quando sacerdos (maxime animarum curæ expositus) non pro se tantum, sed & pro concredito sibi grege, pro administratione Sacramentorum &c. cogetur responde- re. Et quam hæc difficilis futura sit, si delictis suis sacerdos gregi suo lapis fuerit offensionis? si non tan- quam Pastor sed velut lupo inter o- ves grassatus fuerit? Grandis omni- no dignitas sacerdotis, sed & gran- dis ruina illius, si, qui alios ædifica- re & salvare debebat, ipse prævarica- tor inveniatur. Horrenda res, &  
viro

viro, (imprimis Apostolico, animarumque saluti exposito) quam maxime formidanda! nam, si Salvatore nostro teste, ei expedit, qui unum scandalizat, demergi in profundum maris: quid, qui integram Communitatem, concreditum sibi gregem, rudem plebem, viros, mulieres, senes cum junioribus scandalizat, merebitur?

II. Jam expendendum: quam gravis viro sacerdoti immineat ratio reddenda ex uno opere illi commisso, quando & recta illius intentio, & perfecta executio ab his jure merito requiritur, qui legatione pro Deo funguntur. Hinc tam gravis apud Jeremiam Dei comminatio: *Maledictus, ait, omnis, qui facit opus Dei negligenter.* Quid ergo, si nos non tantum negligenter, sed & irreverenter? indigne? scandalose? profecto.

G

duri.

*durissimum his, qui præsunt, fiet. Quoniam enim quis major in Ecclesia Dei est, eo rigidiorum Judicem habebit. Sacerdoti imprimis, cui dominici corporis dispensatio credita est, & gregis illius cura commissa, grave iudicium imminet, nisi sancte, caste, ferventerque hoc officium administret. Quisquis igitur hunc statum jam elegit, cum Regio Psalte suppliciter Deum oret: *Ne projicias me a facie tua, & Spiritum Sanctum tuum ne auferas a me. Docebo iniquos vias tuas, & impii ad te convertentur.* Hæc qui fecerit, in Dei iudicio non condemnabitur.*

*III. Ibi condemnabuntur omnes iustitiæ tuæ. Ps. 74.* Id est: non solum examinabuntur, & iudicabuntur omnes iniustitiæ, peccata commissionis, omissionis, corde, ore, opere commissa &c. sed iudicabuntur omnes etiam

tiam iustitiæ; id est: orationes, sacrificia, Sacramentorum administratio, ægrorum cura, & visitatio, concio &c. quo zelo? intentione? applicatione? & devotione exercitæ sint? an culpa nostra omissæ? non rite peractæ? *Et scito: quod pro omnibus his adducet te Deus in iudicium.* Eccl. 11 9. Sed his accedit adhuc stricta reddenda ratio de omnibus acceptis talentis, bonis occasionibus, inspirationibus, vitæ momentis. *Cui enim multum datum est, multum requiretur ab illo.* Luc. 12. Quantum ergo a nobis, o Sacerdotes! qui toties sacrificamus? utinam sancte, religiose, & ea, quæ par est, devotione omnia nostra agamus.

## MEDITATIO IV.

De sanctitate, & perfectione Sacerdoti  
necessaria.

*Punctum I.* Considera: quod major vitæ sanctitas, perfectioque a Sacerdote, quam homine laico requiratur. Sacerdos enim, ut S. Bernardus ait, cœleste tenet officium: Angelus Domini exercituum factus est: & tanquam Angelus aut eligitur, aut reprobatur. Ante omnia autem tenetur mores Angelicos in se exhibere, quibus reliquis Christianis probitatis præbeat exemplum, juxta illud Pauli ad Timotheum: *Exemplum esto fidelium in verbis, in conversatione, in charitate, in fide, in castitate.* Fiat jam examen: qua ratione prædictam instructionem Paulinam observaverimus; reliqua affectus dabit.

*II.* Perpendendum reflexe: quod Christus, qui est Sacerdos in æter-



æternum secundum ordinem Melchisedech, in exemplum viræ sacerdotalis nobis propositus sit: qui sese in sacrificio tam incruento cæniæ ultimæ, quam cruento in monte Calvariæ pro peccatis totius mundi æterno Patri obtulit in holocaustum. Omnibus igitur sacerdotibus dictum est: *Inspice, & fac secundum Exemplar, quod tibi in monte monstratum est.* Exodi 25. Hinc Sacerdoti serio incumbendum: ut virtutes, quas Christus exercuit, in se quoque incessanter exquirat. Causæ moventes sunt: 1. Status ratio, & oblatio, 2. officii dignitas. 3. Necessitas. 4. Utilitas. 5. Solatium in morte, & post hanc merces magna in cælo.

*III.* Presbyteris dictum illud a Deo levitici: *Sancti estote, quia & ego sanctus sum.* In triplici autem differentia Sanctitas Sacerdotis est posita: nempe, ut est Sacerdos sacrificans:

G 3

ut

ut Sacerdos Judex in sacro tribunali:  
 ut Sacerdos Concionator, seu Doctor  
 veritatis. Quoad primum, non vul-  
 garis Sanctitas in Sacerdote ratione  
 sacrificii exigitur; nam recte David  
 precatur: *Sacerdotes tui induant justi-  
 tiam.* Non sufficit autem qualiscun-  
 que justitia, sed debet Sacerdos eni-  
 ti ad justitiam similem Christo. Quo-  
 ad secundum, seu quoad sanctitatem  
 in foro conscientiae: iterum Christo  
 conformare se debet Sacerdos; nam  
 ejus locum in tribunali hoc sacro ob-  
 tinet; *Omne enim judicium Pater de lit  
 filio;* hic autem Sacerdoti sedenti  
 pro tribunali sacro. Quantam ergo  
 Sanctitatem exigit tanta potestas? sit  
 Sacerdos in foro divino ut Deus, qui  
 divinam potestatem exercet remitten-  
 do peccata; ut Christus, qui expo-  
 liavit potestates infernas, & spolia ex  
 inferno accepit. Quantum ad terti-  
 um, breviter hoc addo: sit talis, de  
 quo

quo jure dicatur: *Viam Dei in veritate docet*; sit unus ex illis, de quibus cum veritate dici potest. *Quam speciosi sunt Evangelizantium pedes, Evangelizantium bona!*

## MEDITATIO V.

De tremendo Missæ sacrificio.

*Punctum I.* Considerandum: quam Sanctum, divinum, Deoque gratum sit hoc Sacrificium; quia & ipsa res oblata, & ipse offerens principalis est infinitæ dignitatis. O quanta igitur Sanctitas animi ad immolandum hoc sacrificium requiritur! si enim Sancta sancte tractanda: qua rogo, sanctitate peragendum Missæ sacrificium, in quo sanctissimum Domini nostri Jesu Christi Corpus conficitur, tractatur, & sumitur? O quam recte proinde

Conc. Trident. Sess. 22. ita concludit: *Si necessario fatendum est, nullum inter fideles haberi opus sanctius, aut dignius, quam tremendum hoc Sacrificium, in quo vivens illa Hostia, quæ nos Deo Patri reconciliavit, quotidie in altari manibus sacerdotum immolatur; fatendum quoque est: omnem ad hoc diligentiam adhibendam, ut, qua maxima fieri potest, pietate, & devotione perficiatur. Examina te hic Sacerdos; & inventis conformiter affectus tuos intrue.*

*II. Ante orationem præpara animam tuam, recte monet sapiens cap. 18. Si ante quamlibet orationem præparandus est animus; quia oratio est mentis ad Deum elevatio, & consequenter actio divina; quanto igitur major præparatio requiritur ante Missæ Sacrificium, quod est mysterium omnium sanctissimum, & augustissimum; hinc etiam recte monet*  
A-

Apostolus: *Probet autem se ipsum homo, antequam accedat &c.* Est autem duplex præparatio, remota, & proxima. Remota consistit in assiduo conatu proficiendi in vitæ probitate, cordis puritate, virtutum studio, perfectionis desiderio &c Proxima consistit 1. in puritate corporis. 2. in bonæ intentionis præmissio exercitio. 3. in certis ad hunc finem accomodatis precibus devote recitandis. Super hæc examen tuum, & glossas juxta materiæ exigentiam institue, & affectus cum confusionis, tum doloris competentes elice.

III. Varias denominationes habet Sacro-sanctum Missæ Sacrificium, dicitur: *Sacrificium Justitiæ.* Ergo, o Sacerdos! injustitiis tuis non inquineris. *Est Hostia pacifica!* non ergo indigna Deum tractatione de novo irrites. *Est Hostia pacifica pro peccato;*

cato; non sit ergo, non stet, obsecro,  
Hostia hæc cum peccato tuo, o Sa-  
cerdos! O Minister Dei altissimi.

## MEDITATIO VI.

De bona Exemplo præbendo.

*Punctum I. Vos estis lux mundi.*  
Math. 5. Ad Apostolos, & Aposto-  
licæ vitæ sectatores, ad Sacerdotes  
suos verba hæc locutus est Christus.  
Lucere ergo, id est: bono vitæ Ex-  
emplo cæteris præire Sacerdorem  
vult Salvator. Hujus enim munus  
est, ita prælucere, ut populus vide-  
at opera illius bona, & glorificet Pa-  
trem, qui in cælis est. Sacerdos  
es: super candelabrum in Domo Dei  
positus es: oculi omnium in te; si  
non lumen in te, verum tenebræ sint  
per vitæ obscuritatem: o quam de-  
spectus, quam diffamatus eris!

II.



*II. Sic luceat lux vestra coram hominibus, ut videant opera vestra bona.* Matth. 5. Bene hic expendendum: *Ut videant opera vestra bona*; id est: cum bona, & recta intentione facta; ut doctrinæ correspondeat vita exemplaris. Frigidus Doctor a S. Chrysoft. dicitur, qui verbis duntaxat philosophatur: recte igitur agebat S. Bern. *Lucere tantum, vanum est; tantum ardere, parum; ardere, & lucere, perfectum.* Nihil nisi vituperium refert, quisquis cum Christo non facit, quæ docet. *Ardeat orator, qui vult accendere plebem.*

*III. Mira vis Exempli!* non ita magnes ferrum trahit, ut in sui sequelam trahit Exemplum; maxime vero majorum. Verissimum est, qualis Rex, talis grex; qualis herus, talis famulus; qualis Sacerdos, talis populus; quid, quæso, hujusmodi

Sacerdos & Pastor boni in proximo faciet, de quo digito monstrari, & dici potest: *Ecce Adam quasi unus ex nobis factus!* Non sic; non sic Sacerdos venerande! æmulemur charismata meliora; omnibus, juxta monitum Pauli, *præbeamus exemplum bonorum operum, in doctrina, in integritate, in charitate, in gravitate, in conversatione, in fide, in castitate &c.*

## MEDITATIO VII.

De ferventi studio orationis.

*Punctum I. Orationi instate;* ad Coloss. 4. Spectat hæc cohortatio Pauli præcipue ad Sacerdotes; quia legati, advocati, oratores sunt totius generis humani apud Deum; nam *Sacerdos ex hominibus assumptus pro hominibus constituitur in iis, quæ sunt ad Deum.* ad Hebr. 5. quod in tribus potissi-

tissimum occasionibus ostendere debet. 1. In Exercitiis spiritualibus quotidianis; nimirum: in sacro Missæ officio, horis canonicis, tempore, & modo debito recitandis; in Examine conscientiae, lectioneque spirituali faciendis. 2. In recurſu ad Deum, quando vel negotium aliquod suscipiendum, vel pro se, aliisque impetrandum, vel periculum aliquod, aut tribulatio superanda est. 3. In functionibus indifferentibus, ut scilicet in his mentem ad Deum attollere assvescamus. Fac Examen, quomodo hæc hæctenus observata? quomodo deinceps observanda?

*II. Recogitandum etiam mente, quam necessaria sit frequens oratio. Nam inter tot mundi discrimina, tot inter labendi occasiones, nisi orationis præsidio munitus, quis indemnis evadet? certe si Augustino teste: II.*

*le novit recte vivere, qui novit recte orare?* tum sane existimandum non est: virum Sacerdotem sine familiari, pioque orationis usu diu recte victurum. Nihil ex nobis possumus, & multis indigemus. Plantare & rigare possumus, sed fructum, & incrementum dare solius Dei est, pro quo rogari, & orari vult.

*III. Accedit & orationis excellentia, Dignitas, & utilitas. S. Aug. de hac ita loquitur. Quid est oratione præclarius? quid vitæ nostræ utilius? quid animo dulcius? quid in tota nostra religione sublimius? Recte omnino: nam oratio, quæ est mentis ad Deum elevatio, nos cum eo conjungit, & in intimam familiaritatem inducit. Oratio est Deo gratissima, omnesque Cœlites mirum in modum recreat. Est denique cibus, & vita animæ.*

*Si*

Si ergo Deo tuo vivere, si diu in  
sancto ejus servitio conservari optas  
Sacerdos, hoc cibo utere; Ora!  
*Oratione instate ad Coloss. 4.*

---

ACTUS

# ACTUS VIRTUTUM THEO- LOGICARUM.

## ACTUS FIDEI.

Amantissime Deus! æterna veritas!  
Credo firmissime te esse Unum in  
Essentia, & ~~Trinum~~ in Personis, De-  
um Patrem, Filium, & Spiritum  
Sanctum, Creatorem, Redempto-  
rem, & Sanctificatorem meum.  
Credo te esse Remuneratorem bo-  
norum operum præcipue per Beati-  
tudinem æternam; Justissimum Vin-  
dicem malorum præprimis per infer-  
ni, & purgatorii pœnas. Credo se-  
cundam in Trinitate Personam, Fi-  
lium Dei vivum, incarnatum, natum  
de Maria Virgine, JESUM Christum,  
per Passionem, & mortem suam ge-  
nus humanum redemisse. Credo  
animæ immortalitatem, gratiam ne-  
cessariam ad salutem, atque eandem  
gratiam, remissionem peccatorum,  
vitam



vitam æternam a te fidelissimo, Omnipotente, ac misericordissimo Deo omnibus esse promissam. Credo denique quicquid continetur in Symbolo Apostolorum, cæteraque omnia per sanctam Romanam Catholicam Ecclesiam ad credendum proposita. Et ideo quidem hæc omnia firmissime credo, quia tu, mi Deus! ea revelasti, qui nec falli, nec fallere potes, qui infallibilis Veritas es in cognoscendo, & loquendo.

Et in hac fide sanctissima, quam Iesus Christus docuit, Apostoli prædicarunt, & sancta Romano-Catholica profitetur Ecclesia, vivere, & mori volo.

## ACTUS SPEI.

Hac fide imbutus spero a misericordia tua infinita, o Deus Auxiliator unice

nice, & potentissime! per merita, & sanguinem Jesu Christi remissionem omnium peccatorum meorum; gratias, præcipue finalem, vitam æternam ac omnia, quæ a te speranda sunt. Quia tu hæc omnia promissisti, qui Fidelis in tuis promissis, Omnipotens, & Misericors Deus es.

Et hac spe fretus desidero ad Cælum pervenire, & te Deum meum in æternum videre, amare, & laudare, quia tu ultimus meus finis, mea æterna Beatitudo es.

### ACTUS AMORIS, & CONTRITIONIS.

Quia vero etiam credo te Deum meum esse abyssum perfectionum omnium, summum & infinitum bonum, ideo propter solam intrinsecam ac infinitam bonitatem, & amabilitatem  
tuam

tuam, amo te Deum meum, omni amore dignissimum, vere, & sincere super omnia; atque conjungo hunc amorem meum ardentissimo amori, quo te amant, & amabunt per totam æternitatem omnes Sancti Angeli, & Beati in Cælo.

Et ex hoc purissimo Dei amore, doleo ex toto corde, de omnibus totius vitæ meæ peccatis! detestor, abominor, & retracto omnia & singula peccata mea! quia te Deum meum summe & infinite bonum per peccata mea offendi. Pœniter! ah pœnitet me peccasse! utinam te Deum meum summe & infinite amabilem nunquam offendissem! peccavi! sed parce peccatis meis Deus misericordissime! Propitius esto mihi peccatori!

PRO.

PROPOSITUM EMENDATIONIS.

Atque ne deinceps te Deum meum  
summe bonum tam turpiter offen-  
dam, promitto seriam vitæ meæ e-  
mendationem, statuo firmissime, at-  
que inviolabiliter propono nullum  
posthac peccatum mortale cum gra-  
tia tua mi Deus admittere, sed ea  
omnia, uti & venialia plene delibe-  
rata emendare, ac evitare; omnia ve-  
ro præcepta cum eadem tua gratia  
observare volo.

FINIS.

---

IN.

# I N D E X.

---

pag.

Ordo & Rubricæ Missæ . . . . . 2

Orationes, eum Sacerdos induitur  
paramentis . . . . . 62

Devotio matutina . . . . . 62

Præparatio ad S. Confessionem . 79

Præparatio ad celebrandam Mis-  
sam . . . . . 88

Devotio post Missam . . . . . 97

Oratio pro lucrandis indulgentiis


Oratio pro necessitatibus publicis 107

Formulæ variæ salutandi Sanctis-  
simum . . . . . 110


Oratio


	pag.
Oratio Sacerdotis	115
Renovatio Votorum	116
Exercitium vespertinum,	117
Devotio miscellanea	125
Meditationes	136
Actus virtutum theologicarum	160













X. I. 3



984708

**Bibliotheca**


5005

**P.P. Camaldulensium in Bielany**

Depozyt w Bibliotece Jagiellońskiej



10338



MISSISSIPPI